


ANTI HADIS

JARUM YAHUDI

Hj Isa Ismail/Yusof Hj Wanjor



ISBN 967-69-0176-8



9 789676 901767



ISLAM dan PEMELUKNYA tidak sunyi dari berbagai karenah manusia. Ancaman terhadap kesucian Islam dan keharmonian ummah senantiasa diacu dengan panah yang berbisa. Selagi kita berusaha memelihara kesucian Islam dan memupuk keharmonian ummah, selagi itulah Islam dan umatnya tidak akan sunyi dari berbagai ancaman.

Sejarah telah membuktikan pandangan tersebut. Kini Islam dan umatnya terancam pula dengan mereka yang bergelar diri Golongan Qur'any atau ANTI HADIS. Kalau sebelum ini dari dalam Islam telah timbul Golongan Ahmadiyyah/ Qadianiyyah.

Dalam buku ini akan dapat kita mengimbas SLAPA dan APAKAH ajaran yang ada pada ANTI HADIS di samping suatu perbahasan ringkas tentang APA yang dikatakan HADIS atau SUNNAH.



الحمد لله رب العالمين
والصلاة والسلام على خاتم الأنبياء والمرسلين
وقد رب زدني علماً

THINKER'S LIBRARY adalah sebuah organisasi yang berdedikasi untuk mencetak dan menerbitkan buku-buku ilmiah serta memprogramkan pelanjutan, pencapaian, peningkatan, pemeliharaan dan penyebaran ilmiah itu dalam berbagai bidang pengetahuan; dan bagi pelanjutan pengetahuan agama, sastra, pesuratan dan penyelidikan.

ANTI HADIS JARUM YAHUDI

Susunan Bersama

•————•
Hj Isa Ismail
Yusof Hj Wanjor
•————•



ANTIHADIS JARUM YAHUDI

Oleh: Hj Isa Ismail
 Yusof Hj Wanjor

© 1996 oleh Yusof Hj Wanjor

Diterbitkan oleh:

THINKER'S LIBRARY SDN. BHD.

123, Jalan Jasa Tiga,
Taman Jasa, Sungai Tua
68100 Batu Caves
Selangor Darul Ehsan
Tel: 03-689 7570 Fax: 03-687 8525

ISBN 967-69-0176-8

Cetakan pertama 1996

Dicetak oleh
Percetakan Zafar Sdn. Bhd.
18 & 20, Jalan 4/10B,
Spring Crest Industrial Park,
Batu Caves, 68100 Selangor D.E.

KANDUNGAN

KATA-KATA ALUAN

ix

KATA PENGANTAR

xi

PENDAHULUAN

xv

BAHAGIAN PERTAMA

SIAPA PELOPOR AJARAN ANTI HADIS

1

GERAKAN INGKAR SUNNAH DI MESIR

5

GERAKAN INGKAR SUNNAH DI AMERIKA

9

POKOK-POKOK AJARAN ANTI HADIS

13

***PENELITIAN TAFSIR AL-QUR'AN
INGKARU SUNNAH***

23

BAHAGIAN KEDUA

***MUQADDIMAH PEMBAHASAN
AL-HADIS /AS-SUNNAH***

35

***KEDUDUKAN AS-SUNNAH
DALAM ISLAM***

43

SEJARAH PERKEMBANGAN AL-HADIS

55

PENGERTIAN DAN DEFINISI AL-HADIS

59

TINGKATAN HADIS	65
PERIWAYAT HADIS YANG UTAMA	75
TUJUH TINGKAT	
GELARAN PAKAR HADIS	79
RUMUSAN-SISTEM PENAMAAN	
RAWI HADIS	83
HADIS MAUDHU' DAN	
CIRI-CIRINYA	85
SEBAB-SEBAB TIMBULNYA	
PEMALSUAN HADIS.....	89
BERBAGAI HADIS DHA'IF (LEMAH)	91
GOLONGAN PEMALSU HADIS	95

**PETUNJUK RINGKAS BAGI
PARA PEMANGKU HADIS
97**

**PENUTUP
101**

**KEPUTUSAN
KOMISI FATWA MAJELIS ULAMA INDONESIA
TENTANG ALIRAN YANG MENOLAK SUNNAH/HADIS
RASUL 109**

**AKTA PENTADBIRAN UNDANG-UNDANG ISLAM
(WILAYAH-WILAYAH PERSEKUTUAN) 1993 116**

**KEPUTUSAN
JAKSA AGUNG REPUBLIK INDONESIA
NOMOR: KEP-169/J.A/9/1983 120**

**KEPUTUSAN
JAKSA AGUNG REPUBLIK INDONESIA
NOMOR: KEP-085/J.A/9/1985. 123**

BIODATA PENYUSUN 131

KATA-KATA ALUAN



Segala puji dan puja saya serahkan semata-mata kepada Allah S.W.T pemilik dan penguasa alam semesta. Selawat dan Salam ke atas Junjungan Nabi Besar kita Nabi Muhammad s.a.w. serta seisi keluarga Baginda.


Dalam suasana simpang siur perancangan musuh Islam untuk mengheret dan menyalah Islam daripada kebenaran, maka selama itu juga para pencinta Islam dan pendukung Sunnah Rasulullah s.a.w. tidak pernah kering dan tandus.

Saya melihat buku “Anti Hadis - Jarum Yahudi” ini, saya berharap amat berguna buat masyarakat awam mengetahui latar belakang penyelewengan yang ada dalam fahaman golongan Anti Hadis. Pendedahan yang dikemukakan serta ringkasan perihal ilmu hadis dan tamaddun ummah, sangat membantu untuk menjernih fahaman dan iktiqad sebenar.

Akhir kata saya berdoa kepada Allah agar segala usaha dan keikhlasan penyusunan buku ini sebagai suatu wadah dakwah Islam yang semestinya diberi sambutan baik oleh masyarakat dan mendapat ganjaran di sisi Allah s.w.t.

Sekian, wassalam.

Salam hormat,

A handwritten signature in black ink, appearing to read 'A. Hamid', with a long horizontal stroke extending to the right.

(BRIG. JEN. DATO' ABDUL HAMID B. HJ. ZAINALABIDIN)
Ketua Pengarah
Bahagian Hal Ehwal Islam
Jabatan Perdana Menteri.

KATA PENGANTAR

***Dari Penerbit
Assalamu Alaikum Wr. wbr.***

Akhir-akhir ini ramai yang tertarik dengan siaran media massa tentang ***Anti Hadis*** atau dikenali juga dengan "***Ingkaru Sunnah***". Disamping itu, ramai juga yang samada tidak kenal atau belum mengenal ajaran-ajaran atau fahaman-fahaman yang dipegang oleh golongan ini.

Golongan atau aliran ini telah pun menular di kalangan masyarakat Islam di sana-sini beberapa tahun yang silam. Kini, segelintir yang telah terperangkap sementara mereka-mereka yang telah termakan di'ayahnya sedang giat memperjuangkan fahaman ini samada di Malaysia maupun di Singapura.

Para golongan ini boleh diibaratkan sebagai "***jarum beracun***". Dia menyamar sebagai *tabib* (dokter) yang memberi suntikan kepada pesakitnya kononnya untuk merawat sipesakit tadi. Tetapi bukannya ubat yang

ada dalam jarum, bahkan racun. Sesiapa yang disuntiknya pasti akan kena racunnya.

Mungkin ramai masyarakat Islam tidak kedengaran bahawa, kalau di Indonesia aliran ini berserta ajaran mereka telah pun dilarang. Sebarang kaset-kasetnya maupun buku-buku terbitan aliran ini, di seluruh Indonesia telah pun dilarang berdasarkan *Surat-surat Keputusan Jaksa Agung RI. Nomor: Kep-169/J.A.9/1983, Nomor: Kep-059/J.A./3/1984 dan Nomor: Kep-085/J.A.9/1985*. Di samping keputusan-keputusan larangan penyebarannya oleh *Jaksa Agung itu, Komisi Fatwa Majelis Ulama Indonesia Pusat* pada tanggal 27 Jun 1983 bersamaan 16 Ramadhan, 1403 telah memfatwakan bahawa: “ALIRAN INGKAR SUNNAH (*Ingkar Hadis*) SESAT MENYESATKAN DAN BERADA DI LUAR ISLAM”. (*Lihat Lampiran*)

Langkah yang diambil pihak *Penguasa Republik Indonesia* untuk melarang kegiatan/fahaman *Ingkar Sunnah* atau golongan *Anti Hadis* tersebut dan *Fatwah Majelis Ulama Indonesia Pusat (lihat lampiran)* adalah sangat tepat. Sejak pertengahan tahun 1982 beberapa Pengurus-pengurus Masjid, Ikatan Remaja Masjid, Majelis Ta’lim dan organisasi dakwah telah mengadakan pertemuan-pertemuan hingga terbentuknya suatu badan yang bernama: **KOORDINATOR PEMBERANTASAN ALIRAN SESAT INKAR SUNNAH INDONESIA** yang kemudian lembaga ini mendapat dukungan penuh dari Majelis Ulama, Indonesia.

Yang perlu kita saksama maklum bahawa munculnya aliran ini bukanlah soal baru, hanya sekarang ini ianya menular di kalangan kita.

Sayugia disampaikan bahawa kedua-dua penyusun buku ini pernah bersemuka dan bermuzakarah dengan mereka-mereka yang menamakan diri mereka *Golongan Qurany*. Dari pertemuan-pertemuan tersebut, penyusun telah diberikan beberapa buku karangan dan Terjemahan Qur'an susunan salah seorang tokohnya. Kesemuanya ini telah di cedok sebagai bahan tulisan dan dimanfaatkan untuk menyusun buku kecil ini.

Buku kecil ini bukanlah untuk berbahas (*debate*) pada fahaman dan pegangan mereka akan tetapi sekadar suatu usaha untuk meningkatkan fahaman masyarakat Islam awam agar berhati-hati terhadap fahaman-fahaman yang terkeliru dalam menanggapi permasalahan Hadis/Sunnah Nabi s.a.w.

Semoga dengan menyampaikan serba sedikit tentang sejarah lahirnya golongan *Anti Hadis* dan mendedahkan siapa pelopornya di samping mengetengahkan *suatu bab khusus* dalam menyatakan tentang *Hadis / Sunnah Nabi s.a.w.*, diharap masyarakat awam tidak akan terkeliru dengan putar-belit mereka-mereka yang cuba memutar balikan pegangan dan keimanan seseorang dengan seruan untuk berpegang hanya pada *al-Qur'an* dengan menolak *al-Hadis / as-Sunnah* Nabi saw.

Wabillahi Taufik wal Hidayah,

Wassalam wr.wbr.

PENDAHULUAN

Islam dan pemeloknya dari semenjak zaman Rasulullah iaitu 14 abad yang silam hingga kini tidak sunyi dari dinoda samada dari luar maupun dari dalamnya.

Pada setiap satu zaman ada sahaja timbul orang-orang yang mengaku dirinya sebagai '*Nabi*', '*Pembaharu*', '*Penyelamat*' dan sebagainya. Sebilangan kecil orang telah sempat dipengaruhi dan telah termakan dengan seruan mereka-mereka itu. Ini disebabkan kerana ada di antara kita yang kerana pendidikan agamanya samada cetek atau kalau tidak pun cetek lebih menggunakan logika fikiran yang tidak terpandu.

Pada sidang pembaca atau pada pemelok agama Islam, sangat dianjurkan agar berlaku adil terhadap diri sendiri. Berlaku adil di sini dimaksudkan iaitu, jangan kita tergesa-gesa menerima bulat seruan atau taktik putar-belit orang-orang "*pintar*" itu tanpa dahulu kita sendiri membuat kajian atau mempelajari sesuatu ilmu agama dengan sesempurnanya.

Risalah kecil yang diberi judul “*ANTI HADIS-JARUM JAHUDI*” ini merupakan suatu usaha bagi membekalkan para umat Islam awam tentang siapa dan apakah ajaran-ajaran yang diketengahkan oleh golongan Anti Hadis ini. Risalah ini juga mencoba membekalkan masyarakat Islam umumnya untuk memahami serta mengambil kesempatan menyemak apa yang dikatakan *al-Hadis* atau *as-Sunnah* dan segala yang bersangkutan dengannya sebelum kita, tanpa ilmu padanya langsung menolak dan sekaligus cuba menyesatkan dengan seruan yang Islam dan pemeloknya tidak mesti atau tidak perlu kepada *Hadis/Sunnah* kerana segala persoalan agama telah lengkap terisi dalam *al-Qur'an*. Kata mereka:

“When we seek 'religious' instruction from Muhammad or any other sources beside God, we support Satan in his claim that God needs a partner.” (Rasyad Khalifa, Quran, Hadith and Islam - Tucson, Arizona: 1982, Islamic Productions p.88)

terjemahan peny:

(Bilamana kita mencari bimbingan/pedoman “agama” dari Muhammad atau sumber yang lain selain Tuhan, (bererti) kita menyokong pendapat syaitan yang Tuhan memerlukan rakan kongsi).

Kepada para ‘*Pemimpin*’ agama atau mereka yang mempunyai ‘*wewenang*’ untuk menanggapi perkembangan ajaran-ajaran sesat yang sedang merayap dalam tubuh Islam, sangat diharapkan akan bertindak dengan segala kuasa yang ada untuk memadamkan kalau bukan pun

ianya 'api' namun ia tetap suatu 'bahang' yang kalau diberi angin akan menyala.

Dalam risalah kecil ini juga dimuatkan beberapa salinan dokumen-dokumen atau tindakan-tindakan yang telah pun diambil oleh pihak penguasa Indonesia untuk menanggapi persoalan *Anti Hadis* ini. Juga dimuatkan *Akta Pentadbiran Undang-Undang Islam* (Wilayah-Wilayah Persekutan) 1993 di akhir risalah ini.

Maksud dimuatkan dokumen-dokumen itu agar masyarakat sedari bahawa fahaman-fahaman yang menyesatkan tidak punya tempat di lubok hati umat Islam jati kecuali pada mereka yang sedia dirinya diperbodoh-bodohkan.

Sementara itu sudi kami catetkan di sini bahawa segala bahan yang ada dalam risalah kecil ini adalah kutipan dari beberapa buku terutama:

1. "*Bahaya Inkar Sunnah*" terbitan 'Yayasan Pembela Kemurnian Al-Qur'an dan Sunnah, Jakarta',
2. "*Gerakan Inkaru As-Sunnah dan Jawabannya*" oleh Ahmad Husnan terbitan Media Dakwah,
3. "*Seputar Al-Qur'an, Hadis dan Ilmu*" oleh M. Natsir Arsyad, terbitan 'Al-Bayan, Jakarta',
4. "*Ulumul Hadis Wamustalahuhu*" oleh Dr. Subhi Alsholeh, terbitan Dar Ilme Lil Malayyan, Beirut,

5. *"Ilmu Musthalah Hadis"*, oleh Hafidh Hasan Al Mas'udi, terbitan Penerbit Darussalam, Surabaya,
6. *"Sejarah Dan Pengantar Ilmu Hadiest"*, oleh M. Hasbi Asy Shiddieqy, terbitan Bulan Bintang,
7. *"As-Sunnah wa Makanatuhu fit-Tasyri'il Islami"* oleh Dr. Musthafa Assiba'i (*Terjemahan*: Drs. Dja'far Abd. Muchith terbitan cv.Diponegoro.
8. *"Kod 19 Menyesatkan"*, oleh Dr. Abdul Fatah Haron Ibrahim, terbitan Yayasan Dakwah Islamiah Malaysia dan
9. *"The Qur'an's Numerical Miracle: 19 Hoax And Heresy"*, oleh Abu Ameenah Bilal Philips, terbitan Abul Qasim Bookstore, Saudi Arabia, yang kami kutip untuk menyusun risalah kecil ini dengan harapan ianya dapat dimanfaatkan bagi kepentingan umat.

Kepada pihak-pihak tersebut di atas dipohon agar memperkenankan kami mengutip kembali mana-mana bahagian dalam penulisan-penulisan itu sebagai bahan buat kami menyiapkan risalah kecil ini. Semoga jasa baik mereka mendapat balasan yang setimpal dari Allah s.w.t. *Ameen.*

Penyusun:

Ust. Hj. Isa Ismail (Malaysia)
Yusof Hj Wanjor (Singapura)

BAHAGIAN PERTAMA

SIAPA PELOPOR AJARAN ANTI HADIS

Fahaman *Anti Hadis* atau *Ingkaru Sunnah* adalah salah satu alternatif (*pilihan*) para orientalis musuh Islam untuk menjatuhkan Islam dari dalam. Fahaman ini lahir lebih kurang 121 tahun yang silam (1874) hasil pemikiran seorang orientalis Yahudi bernama Prof. Dr. Goldziher. Dia dilahirkan di Hungaria sekitar tahun 1850 dan meninggal sekitar tahun 1921. Dia seorang keturunan Yahudi tulen. Kedua ibu-bapanya tukang mas di Hungaria dan beragama Yuhudi. Dalam usia yang cukup muda iaitu 19 tahun (tahun 1869) Goldziher dilantik menjadi Doktor dalam bidang Islamologi di Jerman di bawah bimbingan Prof. Rodiger. Goldziher mendapat biasiswa untuk belajar di universiti Al Azhar, Cario (*Mesir*) pada tahun 1873 hingga 1874 guna memperdalam pengetahuan Islam. Ini dilakukan bukan untuk menabur bakti untuk Islam dan pemeloknya bahkan bermaksud bagi menghancurkan Islam dari

dalam dengan mencetuskan fahaman Ingkaru Sunnah (*Anti Hadis*) kerana ia yakin bila hal ini diterima oleh umat Islam, pasti Islam sendiri akan hancur dari dalam.

Ia seperti orang belajar silat bertujuan untuk menjatuhkan ahli silat dengan demikian dia belajar agama Islam untuk menghancurkan Islam.

Selama 30 tahun antara 1876 hingga 1904 Goldziher menjadi Setiausaha Masyarakat Israil Moden di Budapest. Dan selama 14 tahun (1900 - 1914) dia mengajar Filsafat Agama Yahudi di JEWISH THEOLOGICAL SEMINARY (*Sekolah Missi Ketuhanan Yahudi*) Budapest.

Banyak murid-muridnya yang tersebar di merata dunia untuk meneruskan gagasan Goldziher dalam mengembangkan teori Ingkaru Sunnah (*Anti Hadis*). Murid-muridnya sekarang sudah mempunyai murid lagi. Secara sistematik mahasiswa-mahasiswa yang belajar Islamologi di Perguruan Tinggi/Universiti di Barat nampaknya sengaja dibina untuk merubah cara berfikir mahasiswa Islam yang ingin mendapat '*titel*' *profesor*, *doktor* dan sebagainya. Memang sukar sekali belajar Islam pada orang bukan Islam jika *akidah* tidak kuat boleh menjadi jauh dari agama sekalipun mulutnya masih komat-kamit mangaku diri Muslim. Mereka secara pelahan-lahan tetapi pasti akan "*keluar*" dari Islam seperti keluarnya rambut dari dalam tepung.

Orang-orang Yahudi pandai membuat kesimpulan yang cukup berguna iaitu mereka tahu bahawa semakin banyak orang Islam mendapat gelaran sarjana semakin sintinglah cara berfikir mereka tentang Islam; kecuali

yang ikhlas. Mereka inilah nantinya yang menjadi trompet di Negara-negara Islam untuk mempengaruhi umat Islam dengan slogan "*Pembaharuan Islam*" guna merusak keyakinan dan akidah umat Islam dengan bermacam-macam taktik dan cara, iaitu:

- Dengan slogan Pembaharuan Islam, mereka menyebarkan faham sekularnya.
- Dengan slogan Pembaharuan Islam, mereka menyebarkan faham Ingkar Sunnah/Anti Hadis.
- Dengan slogan Pembaharuan Islam, mereka bebas manupulasi mahasiswa-mahasiswa Islam.
- Dengan slogan Pembaharuan Islam, mereka meracuni keyakinan mahasiswa dan umat Islam.

Pendeknya dengan "*Tameng Pembaharuan Islam*" terbukalah jalan bagi mereka untuk memporak perandakan akidah dan keyakinan umat Islam. Oleh kerana telah terperangkap dengan slogan-slogan tersebut, akhirnya umat Islam menjadi terpengaruh dengan semboyan '*Pembaharuan*'.

Secara tidak langsung, dengan membaca buku-buku yang ditinggalkan oleh *bapak aliran sesat* Anti Hadis/Ingkarus Sunnah ini (Prof. Dr. Goldziher) sebanyak 200 judul, kini, kaki-tangan Goldziher sudah tersebar di mana-mana terutama sekali mereka yang mengecap pendidikan di Perguruan Tinggi dan Universiti yang dikelola oleh jaringan *zionis internasional*.

GERAKAN INGKAR SUNNAH DI MESIR

Bukti bahawa para sarjana kita yang telah tertikam oleh *Tameng Pembaharuan Islam* ialah seorang putra Mesir lulusan Al-Azhar bernama Dr. Ali Hasan Abdul Qadir. Setelah ia tamat pelajaran dan mendapat gelaran *Doktor* dalam bidang falsafah dari Jerman beliau diundang untuk memberikan ceramah perdananya di Al Azhar. Dalam ceramah itu beliau berkata:

“Saya telah belajar di Al-Azhar sekitar 14 tahun lamanya, namun tidak berhasil memahami apa Islam itu. Saya memahami Islam selama *studi* saya di Jerman”.

Tentunya ungkapan di atas membuat para pensyarah serta para mahasiswa yang mendengar ungkapan tersebut tersentak. Mana tidak! Sebab waktu 14 tahun untuk duduk dan belajar di suatu universiti adalah waktu yang cukup lama. Bayangkan sahaja seorang bayi yang baru lahir sehingga beranjak menjadi anak muda, namun bagi Ali Hasan Abdul Qadir waktu yang begitu lama ia belajar Islam di Al-Azhar tidak berhasil memahami apa itu Islam. Ia memahami Islam

setelah belajar falsafat di Jerman dan banyak membaca buku-buku karangan sarjana orientalis pencetus pertama *Aliran Ingkar Sunnah* (Prof. Dr. Goldziher). Sebenarnya selama ia belajar di Al-Azhar bukan tidak memahami apa itu Islam akan tetapi pemahaman Islam yang menyesatkan versi Goldziher yang ia tidak temukan di Al-Azhar.

Dr. Ali Hasan Abdul Qadir sangat bangga mempelajari Islam pada orang-orang yang bukan Islam, terutama Yahudi, maka pantaslah pola pemikiran tentang Islam seperti pola pemikiran orang-orang Yahudi. Ia bercumbu rayu, bermain mata dan bertingkah selaras dengan orang-orang yang bermaksud menghancurkan Islam.

Walaupun data-data tentang kepalsuan, penyelewengan dan kebohongan Goldziher disodorkan oleh pensyarah-pensyarah Al-Azhar kepada Ali Hasan Abdul Qadir, namun ia tetap bertahan dengan mengatakan bahawa kaum Orientalis khususnya Goldziher adalah cendekiawan Yahudi yang jujur yang tidak bermaksud untuk menyelewengkan Islam. Bayangkan sahaja, bagi Dr. Ali Hasan Abdul Qadir ia lebih percaya pada sarjana-sarjana Islamologi Yahudi seperti Goldziher dan kunci-kuncunya daripada apa yang ia belajar di Al-Azhar. Kita perlu mengambil perhatian tentang sikap orang-orang sebagainya sepertimana yang dikhabarkan dalam firman Allah, *Surah Al-Baqarah: ayat 120* bermaksud:

"Tidak akan rela kepada kamu orang-orang Yahudi dan Nasrani sehingga kamu mengikuti pola berfikir mereka".

Selain dari Dr. Ali Hasan Abdul Qadir kita dapat juga deretan kunci-kunci Goldziher untuk mengembangkan fahaman *ingkaru sunnah* di Mesir guna merusak akidah dan keyakinan umat Islam Mesir antaranya, Dr. Thoha Husain, Dr. Ahmad Amin, Rasyad Khalifah dan Ustaz Abu Rayyah.

GERAKAN INGKAR SUNNAH DI AMERIKA

Pada tahun 1983 dari 8hb hingga 17hb Jun, pernah diadakan seminar *Misinoris Kristen dan Yahudi di Amerika Sarikat*. Seminar tersebut membahas mengenai: "*Islam - Masa Lampau, Kini dan Masa Depan*". Dalam tiga hari terakhir seminar tersebut, topik-topik yang dibicarakan ialah:

- Islam Abad Dua Puluh
- Penelitian Mengetahui Identiti Islam
- Dilema Antara Kaum Muslimin Amerika dan Islam Di Amerika

Tujuan utama dari seminar tersebut adalah bagaimana cara membendung Islam masuk ke Amerika dan negara-negara barat. Seminar-seminar semacam ini sering diadakan oleh mereka untuk mengetahui kelemahan-kelemahan Islam, sehingga mudah untuk menghancurkannya. Oleh sebab itu sekarang di Amerika dan Eropa sedang digiatkan penyebaran fahaman *Ingkaru Sunnah/Anti Hadis* ini. Penyebaran fahaman tersebut di Amerika dan Eropa dipimpin oleh Rasyad

Khalifah (*meninggal beberapa tahun yang lalu*) kelahiran Mesir yang sudah menjadi warga negara Amerika. Ia mengerakkan penyebaran faham tersebut dengan biaya begitu banyak. Rasyad Khalifah sebelum meninggal pernah mendakwa dirinya adalah *seorang rasul* yang diutus Allah. Dia juga telah mendakwa:

“Hadis-hadis itu adalah buatan Iblis. Mempercayai Hadis berarti mempercayai omongan Iblis”. (Dia juga yang membawa fahaman *Kod 19*.)

Gerakan Ingkar Sunnah yang dipimpin oleh Rasyad Khalifah di Amerika dan Eropah bertujuan menggunting para sarjana-sarjana barat yang telah memeluk Islam agar mereka tidak sampai pada sumber Islam yang sebenarnya iaitu, berpegang pada Al-Qur'an dan As-Sunnah (*al-Hadis*). Golongan Ingkaru Sunnah melaung-laungkan dan menamakan diri mereka “*GOLONGAN QUR'ANY*”. Mereka mengelarkan diri mereka sedemikian dengan tujuan untuk menyelewengkan Al-Qur'an dan mendaftarkan diri mereka paling Islami. Nama yang mereka pakai memang sensitif. Siapa yang tidak tertarik dengan nama tersebut. Jadi dengan menerima Islam ala “*Golongan Qur'any*” berarti menerima Islam yang benar. Dakwaan semacam ini telah juga timbul dari dalam Islam iaitu puak *Ahmadiyah / Qadiyaniyah*. Golongan ini juga mendakwa diri bahawa golongan merekalah yang paling Islami berbanding orang-orang Islam yang lain.

Dalam hal kegiatan yang dilakukan oleh Rasyad Khalifah yang menyimpang dan menyesatkan ini, Syeikh Abdul Aziz Baz, Direktur Umum, Urusan Penyelidikan, Fatwa, Dakwah dan Bimbingan Islam, Saudi Arabia

sudah mengeluarkan *tausiyah* (pernyataan) sebagai berikut:

“Gerakan Ingkar Sunnah yang dilakukan oleh Rasyad Khalifah adalah gerakan batil dan berbahaya, yaitu mengadakan kegiatan Ingkar Sunnah dengan cara memutar balikkan tafsir Al-Qur’an secara batil.

Atas nama Pemerintah Arab Saudi, Ibnu Baz menyerukan kepada seluruh kaum Muslimin/Muslimat agar berhati-hati terhadap gerakan yang dilakukan oleh Rasyad Khalifah dan jangan sampai terpengaruh dengan ajaran sesat tersebut.”

(Ad Dakwah, Riyad, No. 903, Syawal 1403, Ogos, 1983).

POKOK-POKOK AJARAN ANTI HADIS

1. TENTANG DUA KALIMAH SYAHADAH

Dua kalimah syahadat seperti yang kita lafazkan, mereka tidak mengakui kerana pada pandangan mereka lafaz itu tidak ada dalam Al-Qur'an. Maka itu 'syahadat' mereka ialah: "*asy-hadu bi-ana muslimun*". Mereka juga mengatakan dengan menambah "*wa-asyhadu anna Muhammadar-Rasulullah*" bererti kita telah menyekutukan Allah dengan Muhammad, dengan itu kita berbuat syirik.

2. TENTANG SOLAT

Cara mereka mengerjakan solat bermacam-macam, berdasarkan pemahaman mereka terhadap sesuatu ayat Al-Qur'an. Mari kita imbas amal solat mereka seperti di bawah ini:

- 1) Ada yang mengerjakan solat sebagaimana dilakukan oleh jumhurul muslimun. Kelompok ini terdiri dari orang-orang yang baru mengikuti pengajaran mereka atau untuk mempengaruhi

orang lain agar mahu mengikuti pengajaran mereka. Tetapi mereka berpegang bahawa waktu subuh bermula jam 5.00 pagi sampai jam 9.00 pagi. Mereka beralasan bahawa agar tidak mengganggu tidur.

- 2) Ada yang solatnya rata-rata 2 rakaat, iaitu: Asar (2 rakaat), Maghrib (2 rakaat), Isya' (2 rakaat), Subuh (2 rakaat) dan Zuhur (2 rakaat). Tetapi bacaannya berbeza-beza. Ada yang seperti biasa (bahasa Arab). Ada yang keseluruhan bacaannya dari awal hingga akhir dalam bahasa ibunda masing-masing.

Kalau si pengikut itu orang Melayu bolehlah ia baca seluruh bacaan yang terkandung dalam solat samada bacaan surah atau bacaan tahiyat dengan bahasa yang difahami mereka sendiri. Mereka berhujah bahawa:

“Dalam Alqurantiada satu pun Ayat Suci yang menyatakan bahawa orang harus memakai Bahasa Arab dalam Shalat.” “Kerana itu tiada alasan bagi kita untuk memaksakan Bahasa Arab agar dipakai dalam melakukan Shalat” (hlm.62:Shalat,Puasa dan Waktu: Nazwar Syamsu).

Dengan demikian, mereka berhujah bahawa dalam melakukan solat, manusia itu terdiri dari empat kelompok, iaitu:

1. Mereka yang melakukan Shalat dengan memakai Bahasa Arab, tidak mengetahui ertinya, tetapi hanya mencontoh pelajaran yang diterimanya tentang cara melakukan Shalat.

2. Mereka yang tidak melakukan Shalat kerana hanya tidak mengetahui bacaan dalam Shalat yang dicontohkan Nabi Muhammad.

3. Mereka yang melakukan Shalat dengan bahasa ibunya kerana tidak mengetahui bacaan dalam Shalat yang dicontohkan Nabi Muhammad.

4. Mereka yang melakukan Shalat pada waktu-waktu yang ditentukan, tetapi hanya mengucapkan ALLAHU AKBAR, kerana itulah hanya yang diketahuinya tentang bacaan dalam Shalat yang dicontohkan Nabi Muhammad.

“Dari itu adalah lebih baik jika seseorang itu bersolat dengan bahasa yang dia fahami dan *kelompok No. 4* adalah orang-orang yang telah melakukan solat dengan sempurna dan khusyuk.” (*ibid: hlm. 63*)

Dalam pada itu, ada di antara mereka berpegang iaitu cukup sahaja dengan membaca: “يَاكَ تَبَدُّ وَيَاكَ نَسْتَعِيْثُ” sebagai bacaan dalam solatnya.

- 3) Ada yang solatnya sebanyak-banyaknya, selagi sempat. Dan jika tidak sempat cukup sudah dengan 2 rakaat dan kalau sungguh tidak sempat, cukup solat dalam hati sahaja, ini mereka berdalil atas ayat:

وَأَقِمِ الصَّلَاةَ لِذِكْرِيْ

“dirikan solat untuk mengingati Aku”. (S. Thoha: 14)

- 4) Ada pula yang solatnya sebagai berikut:
- a) Subuh 4 rakaat
 - b) Dhuha 4 rakaat
 - c) Wustha (menurut kita solat Zuhur) 3 rakaat
 - d) Isya' (menurut kita Asyar) 4 rakaat

- e) Solat *ghasakil-lail* (menurut kita Maghrib) 4 rakaat sesuai dengan jumlah huruf yang ada dalam tulisan BISMILLAHIR-RAHMANIR-RAHIEM iaitu 19 angka. Yang dimaksudkan solat wajib menurut mereka adalah solat siang hari. Kalau solat jam 7.00 malam sampai jam 5.00 pagi disebut solat sunnat (solat Nafilah) atau tambahan.
- f) Ada yang solatnya sambil lewa sahaja.

3. TENTANG PUASA BULAN RAMADHAN

Dalam hal puasa Ramadhan mereka pun tidak sependapat (*tidak sama*). Bagi yang baru jinak-jinak, mereka berpuasa seperti kita. Tetapi kalau sudah kuat faham ingkar sunnahnya mereka hanya mengakui wajibnya puasa sahaja.

Adapun hari dan bulannya mereka mengingkari dengan alasan tidak ditentukan oleh Al-Qur'an. Makanya mereka tidak mengakui puasa Ramadhan kerana tidak ada keterangan ayat Al-Qur'an. Pernah di tanya kepada mereka tentang ayat:

شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ
وَالْفُرْقَانِ. (البقرة ١٨٥)

Mereka menjawab ayat itu menjelaskan tentang turunya Al-Qur'an pada bulan Ramadhan dan bukan ayat yang mewajibkan saat puasa pada bulan Ramadhan. Demikian mereka beragumentasi/berhujah untuk menolak wajibnya puasa pada bulan Ramadhan.

Kalau kita memperhatikan kegiatan aliran Ingkaru Sunnah/Anti Hadis ini, maka tujuan terakhir dari mereka adalah agar membebaskan diri dari mengerjakan solat dan mengerjakan puasa Ramadhan. Yang wajib berpuasa menurut mereka adalah orang-orang yang menyaksikan (*melihat*) bulan dan yang tidak melihat bulan tidak wajib puasa. Mereka memakai dalil dengan ayat, *Surah Al-Baqarah ayat 185* bermaksud:

"Siapa di antara kamu yang melihat bulan hendaklah berpuasa. (Yang tidak melihat bulan tidak wajib berpuasa).

4. TENTANG ZAKAT

Pada umumnya mereka tidak mengakui kewajiban zakat. Yang mereka akui hanyalah sedekah. Mereka mengertikan zakat itu dengan kecerdasan, seperti menafsirkan ayat:

وَأَقَامَ الصَّلَاةَ وَآتَى الزَّكَاةَ وَكَانُوا الْغَائِبِينَ
(الأنبياء ٦٩-٧٣)

"Dirikan solat dan keluaran kecerdasan."

Dengan ayat itulah sekali lagi menunjukkan mereka berani mengertikan ayat Al-Qur'an sekehendak hati mereka.

5. TENTANG HAJI

Mereka berpendapat bahawa haji boleh dikerjakan pada waktu 4 bulan Haram iaitu: *Zulqaidah, Zulhijjah, Muharam* dan *Rejab*. Alasannya, haji itu dijamin oleh Allah keamanannya. Kalau orang datang berkumpul semua pada bulan *Zulhijjah* sahaja untuk mengerjakan Haji, itu bukan keamanan lagi namanya.

Sebab ada yang terinjak-injak, ada yang patah kaki dan sebagainya. Kalau sudah begitu tidak dijamin oleh Allah lagi namanya, kerana itu kalau terlalu ramai atau terlalu panas pada bulan *Zulhijjah*, boleh kita memilih di antara empat bulan haram tersebut untuk mengerjakan haji.

Mereka juga menganggap *melemparkan jumrah* sebaiknya tidak dikerjakan kerana tidak ada dalam dalil al-Qur'an. Begitu juga *berpakaian ihram* dianggap *pakaian orang arab*, sebaiknya pakai pakaian celana biasa sahaja dan ikat pinggang demi keamanan.

Disamping itu mereka pernah mengusulkan kepada *Departemen Agama, Pemerintah Indonesia* supaya merubah manasik haji yang sudah diatur, agar sesuai dengan apa yang mereka inginkan. Juga mereka mengusulkan pada kerajaan *Arab Saudi*, supaya merubah cara pelaksanaan Haji yang selama ini berlaku agar disesuaikan dengan pendapat mereka.

6. AJARAN-AJARAN YANG LAIN:

1. Masjidil Aqsa di Palestin bukan tempat suci umat Islam.
2. Tempat suci umat Islam hanya di Mekah. Di Palestin tidak ada tempat suci umat Islam.
3. Nabi Muhammad tidak pernah solat menghadap Palestin (*Masjidil Aqsa*). Nabi hanya pernah solat menghadap arah utara.
4. Seorang penganut agama asing yang hendak memeluk Islam tidak perlu melalui syahadah didepan sesiapa dan tidak perlu dipersaksikan oleh pegawai untuk surat menyurat, cukup

sahaja dia mengatakan masuk Islam kepada Allah yang mengetahui gerak-geri. Jika dia telah beristeri sebelum memeluk Islam keduanya tidak perlu mengulangi nikahnya menurut peraturan Islam.

5. Palestin adalah milik bani Israil dan umat Islam dihimbau agar jangan lagi memperjuangkan Palestin, serahkan kepada bani Israil.
6. Mesir juga milik bani Israil yang dikuasai oleh bangsa Arab secara tidak adil dan keji.
7. Umar bin Khattab zalim kerana merebut Palestin dari tangan bani Israil. Tentera Umar Khattab melakukan perkosaan dan ketidak-adilan. Kerana itu pantutlah Umar bin Khattab mati terbunuh sebagai tanda tidak berlakunya jaminan Allah atas dirinya. Ini dikeranakan dia telah mencampurkan kezaliman pada iman.

Golongan Ingkaru Sunnah/Anti hadis ini berusaha sekuat tenaga untuk melenyapkan habis apa-apa yang ditata dan yang ditetapkan oleh Nabi Muhammad *saw.* berdasarkan wahyu Ilahi serta petunjuk langsung dari Allah sebagai manusia pilihan untuk menerima kerasulan. Tugas Rasul sebagai manusia pilihan bagi golongan Ingkaru Sunnah dalam hujah mereka bahawa Rasul itu tidak ada hak selain untuk menyampaikan *Hadis-Hadis Allah* (iaitu al-Qur'an) sahaja. Mereka bersandar pada *ayat 99 Surah Al-Maidah*, ertinya:

مَّا عَلَى الرَّسُولِ إِلَّا الْبَلَاغُ

"Tidak ada (kewajiban) atas Rasul itu melainkan menyampaikan (sahaja)."

Dengan alasan itu, mereka tekankan, kalau Rasul (*iaitu Nabi Muhammad*) berani *membuat-buat hadis* selain dari *hadis-hadis Allah (iaitu al-Qur'an)*, akan dicabut oleh Allah urat lehernya sampai putus. Mereka mempergunakan dalil surah *Al-Alaq* ayat 15-16 yang ertinya:

- كَلَّا لَئِنْ لَّمْ يَنْتَهِ لَنَنْفَعَنَّ بِأَلْئَاصِيَةِ
- نَاصِيَةٍ كَذِبَةٍ خَاطِئَةٍ

"Ingat sesungguhnya jika ia tidak berhenti, niscaya Kami sentak jambulnya. Jambul yang dusta, yang durhaka".

Bersandarkan kepada ayat-ayat tersebut, maka mereka mengatakan Nabi Muhammad saw. tidak berhak untuk menjelaskan al-Qur'an. Nabi Muhammad saw. tidak berhak memberikan *Pedoman Agama*. Kata mereka:

"Bila kita mencari pedoman/bimbingan agama kepada Muhammad dan yang lainnya, kita menyokong pandangan Syaitan bahawa Allah perlukan rakan kongsi." (*Rasyad Khalifah*).

Akan tetapi sungguh ajaib, dengan seenak-enaknya perut, mereka menerangkan serta menafsirkan ayat-ayat al-Qur'an sepertimana mereka menafsirkan ayat-ayat tersebut. Seenak hati mereka memberikan pandangan-pandangan serta ajaran agama dengan

mengatakan amaliah Islam kita selama ini perlu disemak semula dan diamalkan secocok dengan fahaman mereka. Luar biasa beraniya mereka menyelewengkan ayat-ayat al-Qur'an. Rasulullah diteriaknya tidak berhak untuk menafsirkan ayat-ayat al-Qur'an untuk memperjelaskan maksud al-Qur'an, sebaliknya mereka seenaknya menafsirkan/memperjelaskan ayat-ayat al-Qur'an dengan memakai rasio atau hawa. Mereka tidak ubah seperti pencuri yang berteriak "pencuri-pencuri" yang akibatnya orang yang benar (*tidak bersalah*) tercelaka. Keterangan atau penjelasan serta penafsiran Nabi Muhammad *saw.* tentang ayat-ayat al-Qur'an yang dijamin oleh Allah tentang kebenarannya, dianggap palsu dan dusta oleh mereka, tetapi sebaliknya penafsiran mereka yang sesat dikatakan "*paling benar*".

PENELITIAN TAFSIR AL-QUR'AN GOLONGAN INKAR SUNNAH

Di bawah ini disalinkan beberapa contoh penyimpangan, penyelewengan yang dilakukan oleh golongan *Anti Hadis* dalam *menerjemahkan al-Qur'an* yang telah dilarang oleh Mahkamah Agung Republik Indonesia. Terjemahan itu kemudian dibandingkan dengan terjemahan yang benar yang diberikan oleh mufassir yang muktabar yang sudah diakui oleh umat Islam tentang kebenarannya.

Contoh No. 1: Surah Al Baqarah ayat 63:

وَرَفَعْنَا فَوْقَكُمُ الطُّورَ

Tafsir Ingkar Sunnah: **"Dan Kami angkatkan aurora* di atasmu" (*seperti pelangi atau benda terbang mengkilap produksi Bani Israil)**

Para Mufassir: **"Dan Kami tinggikan gunung atasmu".**

Dalam ayat ini mereka menterjemahkan kalimat (الْأَطْوَر) dengan pengertian **aurora* sedangkan ianya diertikan *gunung*.

Contoh No. 2: Surah Al Baqarah ayat 239:

فَإِنْ خِفْتُمْ فَرَجَاً أَوْ رُكْبَانًا

Tafsir Ingkar Sunnah: **"Maka jika kamu cemas, hendaklah berlari-lari atau berkenderaan".**

Para Mufassir: **"Jika kamu dalam keadaan tidakut (bahaya) maka (solatlah) sambil berjalan atau berkenderaan".**

Contoh No. 3: Surah Ali Imran ayat 6:

هُوَ الَّذِي يُصَوِّرُكُمْ فِي الْأَرْحَامِ

Tafsiran Ingkar Sunnah: **"Dialah yang memberimu ionosfir*dalam kasih sayang". (*planet-planet berbenda tebal ionosfirnya dan rotasinya sesuai dengan kapasitas daya batang magnit yang ditetapkan Allah pada masing-masingnya)**

Para Mufassir: **"Dialah yang membentuk kamu di dalam kandungan-kandungan".**

Pada ayat ini mereka menterjemahkan kalimat "Yusauwi rukum" sebagai 'ionosfer' dan kalimat "Fil-arhaami" sebagai 'kasih sayang'. Sedangkan terjemahan yang diberikan para mufassir pada kalimat-kalimat

tersebut dengan pengertian: 'yang merupakan' dan 'dalam kandungan-kandungan'.

Contoh No. 4 Surah Ali Imran ayat 49:

أَنِّي أَخْلُقُ لَكُمْ مِنَ الطِّينِ كَهَيْئَةِ الطَّيْرِ فَأَنْفُخُ فِيهِ فَيَكُونُ طَيْرًا بِإِذْنِ اللَّهِ

Tafsiran Ingkar Sunnah: **"Aku ciptakan untukmu dari meteor seperti bentuk burung lalu Aku tiup padanya maka dia jadi burung* dengan izin Allah".**

Para Mufasssirin: **"(iaitu) Aku dapat membuat untuk kamu dari tanah seperti bentuk kemudian Aku meniupnya,**

Mereka sodorkan bahawa kalimat (*At-Thiin*) dalam ayat itu dengan pengertian *Meteor* dan* 'jadi burung' bermaksud 'Bani Israil membikin pesawat angkasa'.

Contoh No.5 Surah Ali Imran ayat 136:

جَنَّاتٌ تَجْرِي مِنْ تَحْتِهَا الْأَنْهَارُ

Tafsir Ingkar Sunnah: **"Surga-surga yang bergerak siang-siang di bawahnya*" (*surga tidak kelihatan dari tempat kediaman dalam surga. Yang memangdi utara planet-planet).**

Para Mufasssir: **"Syurga yang di dalamnya mengalir sungai-sungai" di bawahnya".**

Dalam ayat ini mereka menerjemahkan kalimat 'al-anharu' bermakna 'siang-siang' sedangkan ertinya ialah 'sungai- sungai'.

Contoh No. 6 Surah Ali Imran ayat 181:

وَقَتْلَهُمُ الْأَنْبِيَاءَ بِغَيْرِ حَقٍّ

Tafsir Ingkar Sunnah: ".....serta pembunuhan mereka atas pengkabaran-pengkabaran tanpa hal logis."

Para Mufassir: ".....dan perbuatan mereka membunuh nabi-nabi tanpa alasan yang benar."

Pada ayat ini mereka memberi ertikan kalimat "al-anbiya" sebagai 'pengkhabaran-pengkhabaran' yang mana pengertian yang tepat ialah 'nabi-nabi'.

Contoh No. 7 Surah An Nisa' ayat 43:

وَإِنْ كُنْتُمْ مَرْضَىٰ أَوْ عَلَىٰ سَفَرٍ

Tafsir Ingkar Sunnah: "...dan jika kamu sakit atau atas beban*"(*yang haid, baru melahirkan)

Para Mufasir: "...dan jika kamu sakit atau didalam pelayaran."

Pada ayat ini pula mereka ertikan kalimat “*safarin*” dengan pengertian ‘*beban*’ sedangkan terjemahannya ialah ‘*pelayaran*’.

Contoh No. 8 Surah Al Maidah ayat 1:

إِلَّا مَا بَيْنَ يَدَيْكَ غَيْرِ مُحْلِي الصَّيْدِ
وَأَنْتُمْ حُرْمٌ

Tafsir Ingkar Sunnah: “**Kecuali yang dianalisiskan atasmu tanpa menghalalkan binatang buruan sedang kamu dalam bulan-bulan terlarang***” (*bulan-bulan terlarang: Muharram, Rajab, Zulqaidah dan Zulhijjah).

Para Mufassir: “**Kecuali yang akan dibacakan kepada kamu, padahal kamu tidak menghalalkan buruan diwaktu kamu berihram.**”

Pada ayat ini mereka ertikan kalimat “*hurumun*” dengan pengertian ‘*bulan-bulan terlarang*’ sedangkan pengertiannya ialah ‘*berihram*’.

Contoh No. 9 Surah Al Haj ayat 27:

رَجَا لَأَوْعَىٰ كُلِّ ضَايِرٍ

Tafsir Ingkar Sunnah: “**Dan maklumkan manusia dengan haji, mereka akan datang padamu berlaki-laki dan atas setiap kendaraan.**”

Para Mufassir: ***"Dan berserulah kepada manusia untuk mengerjakan haji, niscaya mereka akan datang kepadamu dengan berjalan kaki, dan mengendarai unta yang kurus."***

Di sini mereka ertikan kalimat "*rijalan*" sebagai '*berlaki-laki*' dan kalimat "*dzaamirin*" sebagai '*kenderaan*' sedangkan ertinya ialah '*berjalan kaki*' dan '*unta-unta yang kurus*'.

Contoh No. 10 Surah Al Maidah ayat 2:

وَإِذَا حَلَلْتُمْ فَاصْطَادُوا

Tafsir Ingkar Sunnah: ***"Ketika kamu dalam bulan-bulan halal maka berburulah."***

Para Mufassir: ***"dan apabila engkau telah menyelesaikan ibadah haji, maka bolehlah berburu"***

Di sini mereka terjemahkan kalimat "*halaltum*" sebagai '*dalam bulan-bulan halal*' sedangkan ertinya ialah '*setelah menyelesaikan ibadah haji*'.

Contoh No. 11 Surah Al Maidah ayat 6:

وَإِنْ كُنْتُمْ جُنُبًا فَاطَّهَّرُوا

Tafsir Ingkar Sunnah: ***"Jika kamu dalam perjalanan, maka bersucilah."***

Para Mufassir: ***"dan jika kamu berjunub, hendaklah kamu mandi"***.

Di sini mereka ertikan kalimat “*junuban*” sebagai ‘*perjalanan*’ sedangkan ertinya iala ‘*berjunub*’. Pada surah-surah seperti surah *al-Maidah*: 95-96 yang terdapat kalimat-kalimat “*hurumun*” mereka ertikan dengan ‘*bulan-bulan terlarang*’ sedang erti yang tepat ialah ‘*dalam ihram*’.

Contoh No. 12 Surah Al Maidah ayat 104:

وَإِذَا قِيلَ لَهُمُ تَعَالَوْا إِلَىٰ مَا أَنزَلَ اللَّهُ
وَأِلَىٰ الرَّسُولِ

Tafsir Ingkar Sunnah: “**Ketika dikatakan kepada mereka: Marilah kepada yang Allah turunkan dan kepada Rasul***” (perkataan ‘*rasul*’ ialah yang terdiri dari ayat-ayat al-Qur’an).

Penjelasan (peny):

Keterangan mereka tentang maksud ‘*rasul*’ adalah satu penyimpangan, sedangkan perkataan ‘*rasul*’ tidak hanya terdiri dari ayat-ayat al-Qur’an sahaja; bahkan banyak juga di luar al-Qur’an, iaitu apa yang disebut dengan hadis-hadis Nabi [*as-Sunnah*].

Contoh No. 13 Surah Al An’am ayat 33:

قَدْ نَعْلَمُ إِنَّهُ لَيَحْزُنُكَ الَّذِي يَقُولُونَ فَإِنَّهُمْ
لَا يَكَذِّبُونَكَ وَلَٰكِنَّ الظَّالِمِينَ بَيَّاتٍ
اللَّهُ يَجْحَدُونَ

Tafsir Ingkar Sunnah: "Sungguh kami mengetahui bahwa akan mendukacitakan engkau yang mereka katakan padahal mereka bukan mendustakan engkau*tetapi orang yang zalim yang menatang pada ayat-ayat Allah." (*dengan Sunnah dan Hadis Nabi yang mereka katakan jadi sumber hukum, padahal Al-Qur'an sudah cukup sebagai satu-satunya sumber hukum).

Penjelasan (peny):

Lihatlah bagaimana mereka menolak as-Sunnah. Kita ingin jelaskan bahwa al-Qur'an ialah sebagai dasar hukum pertama dan al-Hadis (*as-Sunnah*) adalah sebagai dasar hukum yang kedua sesudah al-Qur'an. Jika ada ayat al-Qur'an yang bersifat umum maka Hadislah yang akan menjelaskannya. Sebab kalau al-Qur'an tidak dijelaskan oleh al-Hadis (*as-Sunnah*) maka otaklah yang akan berperanan seperti yang dilakukan oleh golongan ingkar sunnah. Akibatnya, menyimpang-lah penafsiran mereka tentang al-Qur'an.

Contoh No. 14 Surah Taha ayat 12.

إِنَّكَ بِالْوَادِ الْمُقَدَّسِ طُوًى

Tafsir Ingkar Sunnah: "Bahawa engkau di lembah yang disucikan pusat putaran" (*iaitu Makkah, kutub utara sebelum taufan Nuh).**

Para Mufasssir: "Sesungguhnya engkau berada di lembah suci (bernama) Thuwa".

Mereka ertikan kalimat "*thuwa*" dalam ayat tersebut sebagai '*pusat putaran*' sedangkan ertinya ialah nama sebuah *lembah suci (di Palestin)*. Kita juga ingin menjelaskan bahawa *ayat 9 hingga ayat 99 Surah Taha* ini mengesahkan peristiwa Nabi Musa a.s. dengan Fir'aun. Peristiwa tersebut terjadi di Mesir dan Palestin. Tetapi pihak *ingkar sunnah* sangat berani menyelewengkan data sejarah dengan mengatakan bahawa '*Thuwa*' itu adalah Mekah.

Maksud menyelewengkan data sejarah ini supaya umat Islam mengakui bahawa di Palestin tidak terdapat tempat suci umat Islam termasuk Masjid Aqsa (*Baitul Maqdis*) tetapi sebaliknya kesemua tempat-tempat suci yang ada di Palestin serta Palestin itu sendiri adalah milik Israil. Bukan main liciknya mereka cuba mengelabui umat Islam.

Contoh No.15 Surah al-Haq ayat 1-3:

● مَالِحَاقَةٌ ●
● وَمَا أَدْرَاكَ مَالِحَاقَةٌ

Tafsir Ingkar Sunnah: 1. Yang logis. 2. Apakah yang logis itu? 3. Apakah yang memberi tahu padamu, tentang yang logis itu?

Para Mufasssir:1. Hari kiamat. 2. Apakah hari kiamat itu? 3. Dan tahukah kamu apakah hari kiamat itu?

Contoh No.16 Surah Nuh ayat 14:

وَقَدْ خَلَقَكُمْ أَطْوَارًا

Tafsir Ingkar Sunnah: ***"Dan sungguh Dia jadikan kamu penduduk utara"*** (*sebelum taufan Nuh, manusia tinggal di utara planet tanpa pergantian musim dan tanpa siang).

Para Mufasssir: ***"Padahal Dia sesungguhnya telah menciptakan kamu dalam beberapa tingkatan kejadian"***.

Pada ayat tersebut mereka ertikan kalimat *"ath-waran"* sebagai *'penduduk utara'* sedangkan erti yang tepat ialah *'dalam beberapa tingkatan kejadian'*.

Contoh No.17 Surah Al-Ghasiah ayat 1:

هَلْ أَتَاكَ حَدِيثُ الْغَاشِيَةِ

Tafsir Ingkar Sunnah: ***"Adakah datang padamu Hadits yang menutup?"***

Para Mufasssir: ***"Sudahkah datang padamu berita (tentang) hari pembalasan?"***

Pada ayat tersebut kita dapati mereka ertikan kalimat *"Haditsul Ghasiah"* sebagai *'Hadits yang menutup'* sedangkan kalimat *'Hadits'* dalam ayat itu ialah *'Berita'*.

Kami rasa cukuplah setakat di sini kami bawakan contoh-contoh pengertian dan tafsiran putar-belit lagi mengelirukan itu. Andainya kita tinjau atau semak sedalam-dalamnya kita akan sedar bahawa seruan

mereka untuk kita hanya berpegang kepada al-Qur'an dengan menyingkir al-Hadis (*as-Sunnah*) tidak lain bertujuan agar umat Islam dipecahkan dari dalam. Ini akan memberikan kekuatan dan melicinkan pihak musuh Islam menguasai umat Islam.

Sebagai pemelok agama Islam perlulah kita persiapkan diri dengan sekurang-kurangnya menyemak atau mentelaah pelajaran al-Hadis agar tidaklah dapat kita ini dikelirukan dan diperbodoh-bodohkan orang-orang yang cuba merosakkan kesucian *Iman* dan *Islam* kita. Untuk tujuan tersebut, marilah kita mengimbas secara ringkas apa dia yang dikatakan al-Hadis (*as-Sunnah*) dan apa peranan *as-Sunnah* dalam kehidupan seseorang Muslim.

BAHAGIAN KEDUA MUQADDIMAH PEMBAHASAN AL-HADIS /AS-SUNNAH

Sejauh ini sebanyak sedikit kita sudah pun mendapat gambaran tentangan ajaran atau pegangan serta kefahaman mereka yang menggelar diri sebagai "*Golongan Qurany*" atau dengan lain panggilan "*Anti Hadis*" atau "*Ingkar Sunnah*". Kemungkinan, apa yang telah kita sodorkan itu belum cukup untuk meyakinkan sebilangan pembaca kerana masih terdapat perbahasan yang belum kesampaian atau puas. Untuk menyambung perbahasan dan bagi menangkis tuduhan atau kesalah anggapan tentang *al-Hadis* atau *as-Sunnah*, kita berikan perbahasan ringkas tentang maudhu' yang dikontroversikan mereka.

MUNCULNYA GOLONGN YANG MENOLAK HADIS

Jauh sudah berlalu yakni dimana Imam Syafie mengembangkan mazhabnya, telah muncul segolongan umat Islam yang melepaskan diri dari mengikuti *Sunnah*. Mereka mencukupkan sahaja dengan al-Qur'an. Mereka berbuat demikian disebabkan oleh beberapa subhat dan

kesamaran yang timbul. Ada yang menolak kerana takut terambil yang palsu dan ada pula yang menolak bulat-bulat, kerana beranggapan bahawa *sunnah* itu bukan suatu dasar dari Islam (*hukum-hukum Islam*). Dalam masa yang terakhir ini telah berjangkit pula beberapa gelintir dari orientalis melepaskan panahnya kepada *Sunnah*. Mereka berpendapat bahawa sebahagian as-Sunnah tidak dapat dijadikan dasar-dasar hukum, kerana tidak sesuai dengan kebiasaan masyarakat. Hembusan-hembusan atau siulan-siulan para orientalis itu, telah ada di antara intelek kita yang merasa sedap mendengarnya. Mereka bertanya: *Hadis yang diakui benarnya samakah derajatnya (kedudukannya) dengan al-Qur'an*. Mereka mungkin bermaksud membangkitkan fitnah di antara umat Islam yang bercerminkan as-Sunnah dan untuk merobohkan suatu rukun (*dasar*) hukum yang sangat diperlukan dalam menetapkan hukum-hukum Islam.

Bagi perbincangan lanjut sebelum kita sampaikan pengenalan ringkas tentang ilmu hadis, adalah lebih elok kita tinjau kembali latarbelakang datangnya pembukuan Hadis.

LATAR BELAKANG PEMBUKUAN HADIS DAN HUKUM MENULISNYA

Apabila kita berbicara tentang sejarah pembukuan hadis, maka perkara penting yang perlu dibicarakan ialah:

- a) Khilaf tentang penulisan hadis.
- b) Masa dimulainya penulisan hadis.
- c) Jalan pengumpulan hadis.
- d) Cara penyusunan hadis.

KHILAF TENTANG PENULISAN HADIS

Di zaman Rasulullah saw. terjadi perselisihan (khilaf) di kalangan para sahabat Nabi tentang boleh dan tidaknya hadis-hadis Nabi itu ditulis. Khilaf itu kemudian diteruskan tabi'un dan tabi'ut-tabi'in dan khilaf tersebut menjadi reda di zaman Khalifah Umar bin Abdul Aziz. Punca berlaku khilaf di masa itu, kerana adanya hadis larangan di samping adanya hadis perintah untuk menulisnya.

Dalam hadis larangan dinyatakan bahawa sesuatu yang datang dari Nabi tidak boleh ditulis dan yang boleh ditulis adalah wahyu (al-Qur'an). Sedang sesuatu yang telah terlanjur ditulis yang datang dari Nabi selain al-Qur'an yang dimaksud adalah al-Hadis, diperintahkan untuk menghapuskan. Larangan tersebut terdapat dalam Hadis Muslim yang ertinya sebagai berikut:

Sesungguhnya Nabi saw. pernah bersabda: "Janganlah kamu semua menulis sesuatu yang datang daripadaku melainkan al-Qur'an. Dan barangsiapa telah menulis sesuatu yang datang daripadaku selain al-Qur'an, maka hendaklah ia menghapuskannya". (HR. Muslim dari Abu Said al-Khudri)

Larangan tersebut cukup jelas, kerana tidak ada makna sayai'an yang ertinya sesuatu dalam hadis tersebut kecuali yang dimaksud adalah al-Hadis. Iaitu tidak boleh ditulis hadis-hadis yang datang dari Nabi saw.

Para sahabat, tabi'un dan tabi'ut-tabi'in yang berpegangan pada hadis tersebut berpendirian bahawa

mereka tidak memperkenankan hadis-hadis Nabi saw. itu ditulis. Di antara mereka yang berpendirian demikian ialah:

1. Ibnu Umar
2. Ibnu Mas'ud
3. Zaid bin Tsabit
4. Abu Musa
5. Abu Said al-Khudri
6. Abu Hurairah

Adapun Hadis-hadis yang menunjukkan adanya perintah atau keizinan Nabi saw. dalam penulisan hadis-hadis yang datang daripada Nabi saw. antaranya ialah:

“Tulislah olehmu kepada Abu Syah” (HR Bukhari dan Muslim).

“Dari Rafi' bin Khadiji ia berkata: “Saya pernah bertanya, ya Rasulullah! Sesungguhnya kami senantiasa mendengar daripadamu beberapa masalah, maka apakah boleh kami tulis masalah tersebut? Jawab Rasulullah: “Tulislah yang demikian itu dan tidak ada kesempitan”. (dinukil dari kitab Tadribur Rawi).

Penjelasan: Maksud pengertian tidak ada “kesempitan” dalam hadis tersebut, ialah tidak ada larangan untuk ditulisnya.

“Dari Ibnu Amru ia berkata: “Saya pernah bertanya, ya Rasulullah! Sesungguhnya saya pernah mendengar sesuatu darimu, maka apakah boleh saya tulis? Jawab Rasulullah: “Boleh”. Berkata Ibnu Amru: “(Apakah engkau berkata boleh itu) dalam keadaan murka atau dalam

redha? Jawab Rasulullah: "Boleh, kerana sesungguhnya aku tidak akan berkata keduanya itu, melainkan dengan benar". (HR. Abu Dawud dan al-Hakim).

Tiga Hadis di atas cukup jelas menunjukkan adanya perintah atau keizinan ditulisnya hadis-hadis yang datang dari Rasulullah. Di antara sahabat-sahabat dan tabi'un yang berpegang kepada dalil-dalil tersebut sebagai hujjah bolehnya hadis-hadis itu ditulis, ialah:

1. Umar bin Khattab
2. Ali bin Abi Thalib
3. Hasan bin Ali
4. Ibnu Amru
5. Anas bin Malik
6. Said bin Jubair
7. Umar bin Abdul Aziz

Demikianlah khilaf yang terjadi dalam penulisan hadis Nabi, dimana kedua belah pihak dari dua pihak tersebut telah mengemukakan hujjahnya masing-masing dan dengan konsekwen mereka mempertahankan yang menjadi pendiriannya.

THARIQAH AL-JAM'I

Di tengah-tengah dua golongan tersebut muncullah pendapat pihak ketiga, iaitu pendapat yang mempertahankan dan menerima semua hadis yang nampak satu sama lain bertentangan, akan tetapi tidak satupun hadis yang ditinggalkan. Jalan yang mereka tempuh dalam menghadapi dua pendapat yang nampak bertentangan atau berlawanan itu ialah "*thariqah al-jam'i*", iaitu *jalan untuk mengumpulkan* beberapa dalil

yang pada zahirnya nampak berlawanan tetapi pada hakikatnya masing-masing dapat didudukkan pada tempatnya, tanpa menolak atau meninggalkan satupun dari dalil-dalil yang ada.

Dalam menumpuh thariqah al-jam'i ini, mereka pun berbeda pendapat pula dalam mendudukkan hadis-hadis yang satu sama lain yang kelihatan berlawanan itu. Tetapi pada garis besarnya yang menjadi sebab dilarangnya penulisan hadis-hadis pada waktu itu sudah terjadi percampuran antara nas-nas al-Qur'an dan as-Sunnah.

Di antara pendapat-pendapat yang mereka kemukan dalam hal tersebut ialah:

1. Dilarangnya penulisan hadis itu hanya diwaktu turun al-Qur'an.
2. Dilarangnya penulisan hadis itu di dalam satu sahifah.

Dua pendapat tersebut hubungannya ialah, kerana adanya kekhawatiran akan tercampurnya nas-nas al-Qur'an dengan nas-nas as-Sunnah. Mafhumnya, apabila tidak bercampur sudah barang tentu tidak terlarang. Dengan demikian dapat dimengerti bahawa hadis larangan tentang penulisan hadis-hadis Nabi yang diriwayatkan Imam Muslim dari Abu Said al-Khudri itu, bukan larangan mutlak. tetapi larangan yang ada sebabnya, iaitu dengan sebab ada kekhawatiran akan tercampur nas-nas al-Qur'an dan nas-nas as-Sunnah.

Berdasarkan jalan pemahaman demikian, maka mulai berkembanglah penulisan, pengumpulan dan

pembukuan hadis-hadis Nabi di dua hujung dari akhir abad pertama dan awal abad kedua hijriyah.

KEDUDUKAN AS-SUNNAH DALAM ISLAM

Telah berijmak *Ahli Aqli* dan *Ahli Naqli* dalam Islam, bahawa al-Hadis (*as-Sunnah*) itu DASAR bagi hukum Islam, dan bahawa para umat ditugaskan mengikuti as-Sunnah (*al-Hadis*) sebagai ditugaskan al-Qur'an. Tidak ada perbezaan dalam garis besarnya.

Banyak sekali ayat-ayat al-Qur'an yang memberikan pengertian bahawa as-Sunnah (*al-Hadis*) itu suatu pokok bagi syariat Islam dan bahawa ia diikuti sebagai diikuti al-Qur'an sendiri. Kedua-dua titik berat ini, dititahkan oleh beberapa ayat al-Qur'an. Dalam al-Qur'an banyak ayat yang mewajibkan kita umat Islam mengikuti Rasul terhadap segala *awamirnya* (suruhan) dan terhadap segala *nawahinya* (larangan). Firman Allah yang bermaksud:

***"Dan apa yang diberikan oleh Rasul ambil olehmu akan dia dan apa yang ditegahkan oleh Rasul, hentikanlah olehmu akan dia."
(S.59 ayat 7: al Hasyar).***

Dan banyak lagi ayat-ayat yang bersangkut paut dengan anjuran Allah agar berpegang kepada pesanannya.

pesanan dan mentaati Rasul yang akan kita ketemu pada bab-bab berikutnya. Namun terasa penting buat kami untuk memanjangkan penjelasan pengertian tentang kedudukan *Rutbah As Sunnah*.

RUTBAH (TINGKATAN) AS-SUNNAH

Sumber (*Masydar*) perundangan-perundangan Islam ialah: **al-Qur'an** dan **as-Sunnah** (*al Hadis*). Akan tetapi walaupun dua dasar ini dipandang pokok hukum, namun harus dipandang pula (*dii'tibarkan*) bahawa al-Qur'an itu *DASAR PERTAMA* dan al-Hadis (*As Sunnah*) adalah *DASAR KEDUA*. Tegasnya, haruslah dipandang bahawa Rutbah (*tingkatan*) al-Qur'an lebih tinggi dari Rutbah (*tingkatan*) al-Hadis.

Untuk memandu para pembaca agar tidak terkeliru dalam menanggapi persoalan al-Hadis (*as-Sunnah*) perlu kita perjelaskan kedudukan *DASAR PERTAMA* berbanding dengan *DASAR KEDUA*.

- a) **Al Qur'an** ialah kitab Allah yang diturunkan kepada Nabi saw. dan diterima oleh kita (*umat Islam*) dari Nabi saw. dengan jalan *qath'y* (*jalan yang diyakinkan bahawa yang diterima itu memang benar-benar demikian*). Dia didengar dan dihafal oleh sejumlah sahabat. Dan para sahabat (*penulis wahyu*) menulisnya pula dengan perintah Nabi sendiri. Para sahabat telah mengumpul al-Qur'an dalam masyhaf dan diterima para umat sebagai keadaan aslinya, sehuruf pun tidak berobah atau hilang dari zaman ke zaman.

As-Sunnah (*al-Hadis*) tidak demikian keadaannya. *Hadis Qauli* hanya sedikit yang mutawatir. Kebanyakan hadis (*sunnah*) yang mutawatir iaitu mengenai amal praktik sehari-hari seperti Solat lima waktu, bilangan rakaat, tata cara solat, puasa Ramadhan dan Haji.

- b) **Al-Qur'an** itu Asal (*pokok*) dan Pangkal bagi Sunnah. Segala yang dihuraikan as-Sunnah ada asalnya dalam al-Qur'an. Hal ini ditunjuki oleh ayat-ayat yang menegaskan bahawa al-Qur'an itu cukup lengkap isinya dan bahawa agama telah disempurnakan dengan uraian-uraian yang telah disebut dalam al-Qur'an. Firman Allah, bermaksud:

"Dan telah Kami turunkan kepada Engkau al-Kitab (al-Qur'an) untuk kamu menerangkan segala sesuatu dan untuk menjadi petunjuk dan rahmat dan khabar gembira bagi segala yang beriman.(S.16 ayat 89: An Nahl)

- c) Asy Syathiby telah menerangkan bahawa Rutbah As Sunnah dibawah Rutbah al Qur'an dengan alasan-alasan berikut:

i) As Sunnah itu adakala menerangkan (*membayangkan*) sesuatu yang diijmalkan (*diringkaskan uraiannya*) oleh al-Qur'an, adakala mensyarahkan al-Qur'an atau mendatangkan yang belum didatangkan al-Quran.

Maka jika as-Sunnah itu bersifat penerangan (*bayan*) atau syarahan, tentulah keadaannya (*statusnya*) tidak sama dengan derajat pokok

(yang diberikan penjelasannya). Nas yang bersifat pokok dipandang asas dan Nas yang bersifat syarah dipandang cabang. Jika bersifat mendatangkan yang berlawanan dengan al-Qur'an tidak diterima. Diterimanya kalau yang didatangkan itu tidak ada dalam al-Qur'an.

KEDUDUKAN AS SUNNAH TERHADAP AL-QUR'AN:

Para sahabat dimasa Rasulullah saw. mengambil hukum-hukum Islam (*Syarak*) dari al-Qur'an yang mereka terima langsung dari Nabi saw. Dalam pada itu kerap kali al-Qur'an membawa keterangan-keterangan yang bersifat *Mudjmal*, tidak *Mufasssal*. Kerap kali membawa keterangan-keterangan yang bersifat *Mutlak*, tidak *Muqaiyad*. Seperti perintah solat, Al-Qur'an membawanya secara *Mudjmal*, tidak menerangkan bilangan rakaatnya, hai'ah-hai'ahnya, tidak menerangkan kadar-kadarnya dan tidak menerangkan syarat-syaratnya. Memang banyak hukum dalam al-Qur'an yang tidak diperolehi syarahan (*penjelasan*) yang berpautan dengan syarat-syaratnya, rukun-rukunnya dan pengrusak-pengrusaknya. Lantaran demikian para sahabat perlu rujuk kepada Rasul saw. untuk mengetahui penjelasa-penjelasan yang diperlukan bagi ayat-ayat yang sedemikian sifatnya, apalagi banyak pula kejadian-kejadian yang terjadi yang tidak ada *nas* yang meng*nas*kan hukumnya dalam al-Qur'an yang tegas dan terang. Dalam hal ini lebih lagi diperlukan ketetapan Nabi saw. yang telah diakui utusan Allah bagi menyampaikan syariat dan undang-undang kepada umat.

Allah sendiri telah mengakui dan menerangkan kedudukan Sunnah terhadap al-Qur'an sepertimana firmanNya, bermaksud:

وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ
وَلَعَلَّهُمْ يَتَفَكَّرُونَ ●

"Dan telah kami turunkan kepada engkau az-zikir untuk engkau terangkan kepada manusia apa yang telah diturunkan kepada mereka; dan supaya mereka mahu berfikir (S.16 ayat 44: an-Nahal)

Dan firman Allah lagi, bermaksud:

لَقَدْ مَنَّ اللَّهُ عَلَى الْمُؤْمِنِينَ إِذْ بَعَثَ فِيهِمْ رَسُولًا مِنْ أَنْفُسِهِمْ
يَتْلُوا عَلَيْهِمْ آيَاتِهِ، وَيُزَكِّيهِمْ وَيُعَلِّمُهُمُ الْكِتَابَ
وَالْحِكْمَةَ وَإِنْ كَانُوا مِنْ قَبْلُ لَفِي ضَلَالٍ مُبِينٍ ●

"Sungguh Allah telah melimpahkan nikmatNya atas para mukmin kerana telah dibangkitkan pada kalangan mereka sendiri, seorang Rasul bagi menerangkan tanda-tanda kebesaran Tuhan, mensucikan mereka serta mengajar mereka Kitab dan hikmah, sesungguhnya mereka sebelum ini berada dalam kesesatan yang nyata." (S.3 ayat 164: Al Imran)

Jumhur ulama dan *ahli tahqiq* berpendapat, yang dimaksud dengan "*hikmah*" dalam ayat tersebut ialah:

"Keterangan-keterangan Agama yang diberikan Tuhan kepada Nabi, mengenai hikmah dan hukum yang dinamai dengan Sunnah".

Ringkasnya, tidak dapat diragui lagi bahawa as-Sunnah (*al-Hadis*) *Sumber Kedua* bagi hukum-hukum Islam. Dialah sumber yang paling luas cabangnya, paling lengkap susunannya dan paling lebar lapangannya.

Al-Qur'an mengandung *kaedah-kaedah umum* dan *hukum-hukum Kully*. Sememangnya al-Qur'an harus bersifat demikian supaya menjadi kitab undang-undang yang kekal dan abadi selama kekal kebenaran. Maka as-Sunnah (*al-Hadis*) memberikan perhatiannya yang penuh untuk mensyarahkan kandungan al-Qur'an, mencabangkan *hukum-hukum Juz'y* dari *hukum-hukum Kully* yang termateri dalam al-Qur'an. Seluruh ulama Islam sepakat bulat, menetapkan bahawa:

"As-Sunnah itulah yang bertindak menerangkan segala yang dikehendaki al-Qur'an, walaupun ada perbezaan-perbezaan faham antara ulama mujtahidin tentang penerangan as-Sunnah itu"

PENJELASAN AL HADIS

Muafakat seluruh ulama baik ulama *Ahlur Ra'yi* maupun ulama *Ahlul Atsar* menetapkan bahawa:

Sunnah (Hadis) itulah yang bertindak mensyarahkan dan menjelaskan al-Qur'an.

Akan tetapi para ulama *Ahlur Ra'yi* membataskan penjelasan-penjelasan as-Sunnah yang diperlukan. Para *Ahlul Atsar* melebarkan lapangan penjelsan itu. Menurut

pendapat *Fuqaha Ahlur Ra'yi*, sesuatu perintah al-Qur'an yang khas *madlulnya* tidak memerlukan lagi kepada penjelasan as-Sunnah. As-Sunnah yang datang mengenai perintah yang khas itu ditolak terkecuali kalau sama kekuatannya dengan ayat itu. *Fuqaha Ahlul Atsar* berpendapat bahawa segala hadis yang sahih mengenai masalah yang telah diterangkan al-Qur'an harus dipandang menjelaskan al-Qur'an, *mentakshishkan* umum al-Qur'an, *menqaidkan* mutlak al-Qur'an. Tegasnya, titah yang baik sudah khas perlu juga kepada keterangan, maka as-Sunnah dipandang penjelasannya.

PENGERTIAN AS-SUNNAH

A) **Sunnah** pada loghah, ialah:

"Jalan yang dijalani, terpuji atau tidak. Sesuatu tradisi yang sudah di biasakan, dinamai sunnah walaupun tidak baik".

Sebagai contoh, kita ambil pengertian yang disabdakan Nabi saw.:

"Barangsiapa mengadakan sesuatu sunnah (perjalanan) yang baik, maka baginya pahala sunnah itu dan pahala orang yang mengerjakannya hingga hari qiamat. Dan barangsiapa mengerjakan sesuatu sunnah yang jahat (buruk), maka atasnya dosa membuat sunnah buruk itu dan dosa orang yang mengerjakannya sehingga hari qiamat". (R.Bukhari)

Hadis ini memberi pengertian bahawa perkataan **SUNNAH** diertikan **PERJALANAN**, sebagaimana yang dikehendaki oleh *Ilmu Bahasa* sendiri.

B) **Sunnah** menurut istilah Muhaddisin (ahli-ahli hadis) ialah:

“Segala yang dinukilkan dari Nabi saw. baik berupa perkataan, perbuatan, maupun berupa taqriri, pengajaran, sifat kelakuan, perjalanan hidup, baik yang demikian itu sebelum Nabi saw. diangkat menjadi Rasul maupun sesudahnya”.

Jumlah terbesar Muhaddisin menetapkan bahawa *Sunnah* dalam erti sedemikian menjadi *Muradif* bagi perkataan *Hadis*. (*Lihat - Qawaa'idu Tahdiets:35. Taujihun Nadhar:2. dan Miftahus Sunnah:5.*)

C) ***Sunnah*** menurut pendapat (*istilah*) ahli Usul Fiqih, ialah:

“Segala yang dinukilkan dari Nabi saw. baik perkataan, baik perbuatan maupun taqir yang mempunyai persangkutan dengan hukum”.

Makna inilah yang diberikan kepada perkataan *Sunnah* dalam sabda Nabi saw. iaitu:

“Sungguh aku telah tinggalkan untukmu dua perkara; tidak sekali-kali kamu akan tersesat selama kamu berpegang padanya, iaitu: Kitabullah dan Sunnah RasulNya”.

Bagi kefahaman selanjutnya, kita bentangkan contoh-contoh *Sunnah (Hadis)*:

a) Contoh *Sunnah (Hadis)* perkataan:

“Segala amalan itu mengikut niat”.

b) Contoh *Sunnah (Hadis)* perbuatan:

Cara mendirikan solat, rakaatnya, cara mengerjakan amalan haji, adab-adab berpuasa Nabi memutuskan perkara berdasarkan saksi dan berdasarkan sumpah. Untuk meniru meladaninya dalam solat, Nabi bersabda:

"Bersembahyanglah kamu sebagaimana kamu melihat aku sembahyang". (HR. Bukhari & Muslim dari Malik ibnu Huwairits)

Dalam berurusan Haji, Nabi bersabda:

"Ambillah daripadaku cara-cara mengerjakan haji"
(HR. Muslim dari Jabir).

c) Contoh Sunnah Taqriri: Taqriri ialah:

- i) Nabi membenarkan apa yang diperbuat oleh seseorang sahabat dengan tidak menyanggah atau menyalahkan, serta menunjuk yang Nabi ridha.
- ii) Menerangkan kebagusan yang diperbuat itu serta dikuatkan pula.

Contoh Taqriri yang pertama:

Nabi Membenarkan ijtihaad para sahabat mengenai urusan solat asar di Bani Quwaidhah, lantaran Nabi bersabda:

"Jangan bersembahyang seseorang kamu melainkan di Bani Quraidhah". (HR. Bukhari dari Ibnu Umar)

Sebahagian sahabat memahamkan *letterjiknya*, yakni: Mereka tidak mengerjakan solat Asar sebelum mereka sampai ke Bani Quraidhah. Dan sebahagian berpendapat bahawa yang dimaksudkan Nabi ialah bercepat-cepat pergi kesana. Maka mereka mengerjakan solat Asar diwaktu sebelum tiba ke Bani Quraidhah.

Kedua-dua perbuatan sahabat itu sampai kepengetahuan Nabi saw. dan Nabi saw. berdiam diri, tidak mengatakan apa-apa.

D) Biasa juga dinamakan Sunnah dengan:

“Sesuatu yang ditunjuki dalam syar'i”,

Sama ada berdasarkan dalil Qur'an ataupun berdasarkan Sunnah Nabi, maupun berdasarkan ijtihad para sahabat seperti mengumpulkan Mashaf dan menyeru umat membaca menurut Mashaf Usmani dan seperti menghimpunkan Ilmu. Kontradiksi dari Sunnah dalam pengertian ini, ialah: **Bid'ah**. Maka inilah yang dimaksudkan oleh Hadis:

“Berpeganglah kamu erat-erat dengan sunnahku dan sunnah khalifah yang Rasyidin sesudahku. (HR. Abu Daud dan At-Turmuzi dari Al-'Irbadl ibn Saariyah (lihat al-Muwafaqat 4:4)

E) Menurut istilah Fuqaha, ialah:

“Sesuatu yang diterima dari Nabi dengan tidak difardhukan dan tidak diwajibkan”.

Imbangannya **wajib, mahdhur, makruh** dan **mubah**. Dan para Fuqaha menamakan juga sesuatu yang menjadi tandingan dari Sunnah dengan Bid'ah.

Dalam garis besarnya semua Fuqaha sependapat menetapkan yang dikatakan Sunnah, ialah:

“Sesuatu suruhan yang tiada difardhukan dan tiada diwajibkan, yakni yang tidak berat suruhannya”.

Akan tetapi dalam garis kecil Fuqahan Hanafi dan Syafi' tidak sependapat dalam memberikan pengertian Sunnah ini. Menurut ulama Hanafiyah, yang dikatakan Sunnah ialah:

“Sesuatu yang disunnahkan Nabi atau para Khulafahnya serta diekali mengerjakannya; seperti azan dan jamaah.

Menurut ulama Syafi'iah, yang dikatakan Sunnah ialah:

“Sesuatu yang diberi pahala orang yang mengerjakannya dan tidak berdosa orang yang meninggalkannya”.

Harus pula dimaklumi bahawa ulama Hanafiyah membahagi perbuatan yang disuruh dengan tidak difardhukan dan diwajibkan kepada:

a) Sunnatu Hadyin, iaitu:

“Sesuatu yang dilaksanakan untuk menyempurnakan kewajipan-kewajipan agama”, seperti: Azan dan Jamaah. Sunnah ini dipandang penyelewengan orang yang tidak mengerjakannya, sehingga jika penduduk negeri semuafakat meninggalkannya, haruslah diperangi.

b) Sunnatu Zaaidah, iaitu:

“Segala urusan yang dilaksanakan Nabi saw. dari urusan-urusan adat”, seperti dalam urusan makan, minum, pakaian dan tidur.

Dan yang disuruh (diperintahkan) tetapi tidak masuk kedalam yang difardhukan, diwajibkan dan disunnahkan, mereka namai: *NAFEL*.

Sementara ulama-ulama Syafi'iah membahagi sunnah kepada dua bahagian, iaitu:

a) Sunnah Mu'akkadah, iaitu:

“Segala yang tidak dikekali Nabi (dari urusan-urusan yang tidak diberatkan) seamsal Sunat Rawatib dan Sunnat Subuh”.

b) Sunnah Ghairu Mua'akkadah, iaitu:

“Segala yang tidak dikekali Nabi mengerjakannya dari urusan-urusan yang tidak difardhukan semisal sembahyang sebelum Maghrib dan sebelum Isyak”.

Sebahagian ulama berkata: *Sunnah, Mustahab, Marghub Fieh, Tatahauwu', Nafal dan Mandub* semuanya seerti. Memang menurut anggapan ilmu Fiqih, segala kata tersebut seerti. Dalam pada itu harus diketahui bahawa sebahagian ulama menerangkan bahawa antara *Sunnah, Mustahab* dan *Mandub* ada perbezaannya. Mereka berpandangan bahawa:

Sunnah, sesuatu yang dikekali Nabi dan yang pernah ditinggalkannya dengan ketiadaan uzur.

Mustahab, sesuatu yang banyak dikerjakan Nabi dari yang ditinggalkannya.

Mandub, sesuatu yang hanya sekali dua Nabi kerjakannya.

Demikianlah serba ringkas Muqaddimah Perbahsan Hadis/Sunnah dan Kedudukan As-Sunnah Dalam Islam, diharap penjelasan ringkas itu akan membantu para pembaca mengerti akan pemakaian as-Sunnah dalam konteks hidup kita sehari-harian. Selanjutnya marilah kita tinjau pula bab-bab berikutnya yang tertumpu pula pada panduan ringkas ilmu al-Hadis.

SEJARAH PERKEMBANGAN AL-HADIS

Dari semenjak masa Nabi s.a.w. sampai akhir abad pertama Hijri, estafet penyampaian dan pengajaran hadis berjalan dengan *mulus* (*suci bersih*). Ini diawali dan digeraki oleh sekitar 50 sahabat yang terlibat aktif membentuk para murid setia (*tabi'in*). Selanjutnya para *tabi'in* melebarkan sayap dengan "*menggarap*" pengikut masing-masing (*tabi'it- tabi'in*) yang pada gilirannya berhasil menelorkan ulama dan guru yang mengajarkan hadis-hadis itu di madrasah atau lembaga-lembaga yang sudah bermunculan dan bertebaran di mana-mana.

Zaman perkembangan hadis berikut dimulai pada masa Nabi menerima wahyu, sampai masa pensyarahan yang kini masih giat berlangsung.

1. Masa turun wahyu dan pembentukan masyarakat Islam (hukum dan dasar-dasarnya) semenjak Nabi bangkit hingga wafat. (*masa Rasul: sampai 11H*). Pada zaman ini di samping ada larangan dari Nabi untuk tidak menuliskan atau membukukan hadis, juga memang saat itu kebanyakan sahabat masih

- ummi (tidak dapat baca-tulis). Namun, baginda Rasul tetap yakin dan percaya akan keandalan daya ingat (hafalan) para sahabat.
2. Zaman pematrian (penghafalan) dan penyederhanaan atau pembatasan riwayat. (Masa sahabat *senior* dan empat orang khalifah utama: *12H—40H*). Di sini daya hafal masih diandalkan, sembari memulai pencarian hadis, tetapi belum sampai pada penyusunan lantaran khawatir bercampur baur dengan wahyu.
 3. Masa penyebaran dan berkembangnya riwayat ke kota-kota, serta perburuan hadis, yaitu zaman sahabat dan tabi'in. (Masa berakhirnya pemerintahan *Khulafa-Rasyidin* hingga masuk dinasti Umayyah: *41H* sampai akhir abad pertama Hijriah). Pada masa ini mulai menyala perpecahan di kalangan umat, teristimewa dalam soal pemerintahan atau politik.
 4. Masa penulisan dan kodifikasi atau pembukuan hadis (Umayyah II pada awal abad kedua Hijriah hingga akhir, yakni masa Dinasti Abbasiyah I).

Sejarah mencatat bahawa orang pertama yang menghimpun hadis Nabi saw. atas perintah Khalifah Umar bin Abdul Aziz adalah Abu Bakar bin Hazm (Gubernur Madinah) atau Imam Muhammad ibnu Muslim ibnu Syihab Az-Zuhri bersama Ibnu Ubaidillah. Sesudah mereka inilah bahru ke-10 tokoh berikut ini

memulai langkah awalnya dari markas besar masing-masing.

- i. *Di Makkah*: Ibnu Juraij (80H—150H).
 - ii. *Madinah*: Ibnu Ishaq (151H), Ibnu Abi Zi'bin atau Malik bin Anas (93H—179H).
 - iii. *Basrah*: Rabi' bin Shabih (160H), Hammad bin Salamah (176H) atau Sa'id bin Arubah (156H).
 - iv. *Kufah*: Sufyan Tsauri (161H).
 - v. *Syam*: Al-Auza'i (156H).
 - vi. *Di Wasith*: Husyaim Al-Wasithi (104H- 188H).
 - vii. *Yaman*: Ma'mar Al-Azdi (95H—153H).
 - viii. *Ray*: Jarir Ad-Dhabby (110H—188H).
 - ix. *Khurasan*: Ibnu Mubarak (118H—181H).
 - x. *Mesir*: Al-Laits Ibnu Sa'ad (175H).
5. Masa pen-*tashih*-an atau penyingkapan hadis dari yang bukan hadis, pemilihan dan pelengkapan (akhir pemerintahan Abbasiyah I atau awal abad ketiga hijriah hingga akhirnya, iaitu mula pemerintahan Abbasiyah II).
 6. Masa penapisan (pembersihan, penyusunan, penambahan dan pengumpulan) kitab-kitab hadis dan penertiban susunan kitab-kitab koleksi khusus. (Masa pemerintahan Abbasiyah II, yakni awal abad keempat hijriah hingga jatuhnya Baghdad, 656 H.).
 7. Masa pensyarahan (pemberian komentar atau ulasan) dan kitab-kitab *takhrij*, penghimpunan hadis-hadis hukum dan penyusunan kitab-kitab *jami'* (koleksi) umum serta

pembahasan hadis-hadis "*zawaid*" (hadis-hadis yang tidak terdapat dalam kitab-kitab sebelumnya). (Masa sesudah Khalifah Abbasiyah ke-37, Al-Mu'tashim, 656 *H.* hingga sekarang).

PENGERTIAN DAN DEFINISI AL-HADIS

Hadis menurut bahasa ada beberapa pengertian:

1. *Yang baru, jamaknya* : Hidas, Hudasa dan Hudus.

2. Khabar, warta, berita (*sesuatu yang dipercakapkan dan dipindahkan dari seseorang kepada seseorang*). *Jamaknya* : Hudasan dan Ahadis.

3. *Yang dekat, yang belum lama lagi,*

Mengenai perkataan *Ahadis* maka ada yang mengatakan *Jamak Hadis*, ada yang menyatakan *Isim Jamak*. Menurut istilah Ahli Hadis ialah yang kadang disebut pula *khabar*, *atsar* atau *sunnah*, adalah sesuatu yang disandarkan kepada Nabi Muhammad s.a.w. baik dalam bentuk perkataan, perbuatan, pernyataan, pendiaman, pengakuan, gerak-gerik, isyarat, sifat, keadaan, hasrat termasuk hal kelahiran Nabi, tempat dan sebagainya. Tegasnya, sama dengan erti *as-Sunnah*.

Selain itu, ada pula yang disebut *Hadis Ilahiah* atau lebih terkenal dengan sebutan *Hadis Qudsi*, iaitu titah Allah kepada Nabi Muhammad s.a.w. melalui ilham

atau mimpi, atau dengan jalan perantaraan malaikat, lantas diungkapkan oleh Nabi dengan susunan kata beliau sendiri, yang disandarkan kepada Allah Ta'ala. Sekalipun begitu, *hadis qudsi* berbeza dengan Al-Qur'an yang juga adalah firman Allah. Demikian juga dengan *Hadis Nabawi*.

SEBAB HADIS DINAMAI HADIS

Dinamai *Hadis* dengan *Hadis*, menurut pendapat az Zumakhsyary, ialah:

Kerana kita di kala meriwayatkan hadis berkata;
Diceritiakan kepada..... bahawa Nabi bersabda..... Dan menurut perkataan Al Kirmany:
Dinamai hadis dengan hadis kerana dilihat kepada kebaruannya dan kerana diingat perimbangannya dengan Al-Qur'an. Al-Qur'an itu *qadim*, *azali* dan hadis ini baru (*bukan qadim*).

TAKRIF KHABAR DAN ATSAR

1) KHABAR:

a) *Khabar* menurut loghat ialah: *Berita yang disampaikan dari seseorang kepada seseorang*, Jamaknya *Akhbar* dan Mufradnya *Naba'a* yang jamaknya *Anba'a*.

b) *Khabar* menurut istilah ahli hadis, ialah: *Berita, baik berita dari Nabi maupun berita dari Sahabat, ataupun berita dari Tabi'in*.

Mengingat ini dapatlah dinamai *hadis marfu'*, *mauquf* dan *hadis maqthu'*. Dalam pada itu ada yang berpendapat bahawa *khabar* dipakai buat segala berita yang diterima dari yang selain Nabi saw. Mengingat inilah dinamai orang yang meriwayatkan hadis, *muhaddis* dan

orang yang meriwayatkan sejarah, *akhbari* atau *khbari*. Ada pula yang mengatakan bahawa khabar lebih umum dari hadis, kerana masuk kedalam perkataan khabar segala yang diriwayatkan, baik dari Nabi maupun dari selainnya.

2) ATSAR:

A) *Atsar* pada loghat ialah: *Bekasan sesuatu* atau *sisa sesuatu*, dan bererti, *nukilan* (yang dinukilkan). Dari itu sesuatu doa umpamanya yang dinukilkan dari Nabi saw. dinamai: *Doa Ma'tsur*.

B) *Atsar* menurut istilah, sama ertinya dengan *Khabar* dan *Hadis* yang oleh ahli hadis dinamai dengan *Atsari*.

KATA-KATA YANG DIPAKAI DALAM PEMBICARAAN HADIS

A) SANAD:

SANAD menurut bahasa: *Sandaran*, yang kita bersandar padanya. Maka, surat hutang juga dinamai *sanad* dan bererti: Yang dapat dipegangi, dipercayai. Kaki bukit atau gunung juga disebut *sanad*, jamaknya: **ASNAAD** dan **SANADAAT**.

Menurut istilah ahli hadis: Jalan yang menyampaikan kita kepada *Matan Hadis*. Apabila seseorang perawi berkata: *dikhabarkan kepadaku oleh Malik yang menerimanya dari Nafi yang menerimanya dari Abdullah ibn Umar bahawa Rasul bersabda: "....."* maka perkataan perawi itu dari "dikhabarkan kepadaku oleh Malik hingga

sampai kepada berkata Rasul saw.” dinamai *SANAD*. Dan dikatakan pada sanad pula, *Tarieq* dan *Wajah*. Tetapi terkadang perkataan *SANAD* dimaksudkan *ISNAD*.

B) *ISNAD - MUSNID - MUSNAD*

ISNAD menurut ilmu bahasa: *Menyandarkan*. Menurut istilah ialah: *Menerangkan sanad hadis* (jalan menerima hadis). Maksudnya: “Saya isnadkan hadis” atau “saya sebutkan sanadnya” atau “saya terangkan jalan datangnya” atau “jalan sampainya kepada saya”. Orang yang menerangkan hadis dengan menyebut sanadnya dinamai *MUSNID*.

Hadis yang disebut dengan diterangkan sanadnya yang sampai kepada nabi, dinamai *MUSNAD*. Juga dinamai *MUSNAD* sesuatu kitab hadis yang pengarangnya mengumpulkan segala hadis yang diriwayatkan oleh seseorang sahabat dalam satu bab dan yang diriwayatkan oleh sahabat lain dalam bab yang tersendiri pula, seperti: *MUSNAD IMAM AHMAD*. Perkataan Isnad tidak di*MUTSANN*akan dan tidak di*JAMAK*kan. Dalam itu, apabila dimaksud dengan isnad, sanad sendiri di*TASNIYAH*kannya. Dikatakan “*Isnadaani*” dan dijamakkan dikatakan “*Assanied*” yakni “*Asnad*”. Perkataan *Sanad* di*mut sann*akan, tidak dijamakkan. Tidak dikatakan hadis ini mempunyai beberapa *ASNAD*, hanya dikatakan “mempunyai beberapa *ASANIED*”.

c) *MATAN*

MATAN, menurut bahasa “muka jalan”: tanah yang keras dan tinggi. *MATAN KITAB* ialah: Yang tidak bersifat komentar dan bukan tambahan-tambahan

penjelasan. *MATAN LOGHAT* ialah: kata-kata tunggalnya, (*vocabularynya*). Jamaknya: *MUTUN*. Dimaksud dengan kata *Matan* dalam ilmu hadis ialah: *Penghujung Sanad* yakni sabda Nabi yang disebut sesudah habis disebut sanad.

d) RIWAYAT

RIWAYAT menurut bahasa: Memindahkan dan menukilkan berita dari seseorang kepada orang lain. Menurut ilmu hadis: Memindahkan hadis dari seseorang guru kepada orang lain atau menghimpunkannya ke dalam himpunan hadis. Pemindahan hadis itu dinamai *RAWI*. Rawi ertinya periwayat.

TINGKATAN HADIS

Pada umumnya kita mengetahui bahawa hadis tidak sederajat semuanya dalam urusan kekuatan sanadnya. Hadis itu bertingkat-tingkat kekuatan sanadnya, kerana itu perlu kita perhatikan *martabat-martabat* dan pendapat-pendapat ulama-ulama *mujtahidin* tentang boleh tidaknya berhujah dengannya. Para ulama hadis telah membahagi hadis kepada tiga tingkat:

1. Hadis-hadis Mutawatir
2. Hadis-hadis Masyhur atau hadis-hadis Mustafied
- 3, Hadis-hadis Ahad

A) *HADIS MUTAWATIR* ialah:

Hadis-hadis yang diriwayatkan dari segolongan besar yang tidak terhitung jumlahnya dan tiada pula dapat di wahamkan yang mereka telah sepakat berdusta, kerana mengingat banyak jumlahnya dan mengingat pula keadilannya dan berlain-lain tempat tinggalnya. Keadaan itu terus menerus hingga sampai kepada akhirnya.

Contohnya:

Seperti nukilan-nukilan yang mengenai solat lima waktu, bilangan rakaat, kadar zakat dan sepertinya. Hadis *Mutawatir Ma'nawi* didapati banyak sekali dan disepakati. Adapun hadis *Mutawatir Lafdhi* (lafaz) sedikit sekali jumlahnya dan terjadi pula perselisihan faham tentang kemutawatirannya. Di antara hadis yang didakwa mutawatir lafaznya oleh para muhadissin ialah sabda Nabi saw. yang bererti:

"Barangsiapa berdusta terhadapku dengan sengaja, maka hendaklah ia menempati tempat duduknya di dalam neraka".

- i) Hadis Mutawatir memfaedahkan yakin. Kebanyakan ulama berpendapat bahawa keyakinan yang kita dapati dari Hadis Mutawatir sama dengan keyakinan yang kita dapati dari melihat dengan mata sendiri. Dalam pada itu, segolongan ulama berkata: Ilmu (*keyakinan*) yang diperoleh dari khabar mutawatir hanyalah sekadar menetapkan fikiran sahaja bukan memberikan keyakinan yang sempurna. Di pandang menetapkan fikiran sahaja ialah kerana kemungkinan waham atau syak. Cuma, kemungkinan itu tidak mempunyai dasar yang dipegangi. Akallah sahaja yang memandang kemungkinan itu. Akan tetapi, *pentahkikkan* secara logika menetapkan bahawa sesuatu yang telah disepakati manusia terhadapnya dianggap sah adanya. Manusia dijadikan bercorak dan beranika rupa kemahuannya. Maka jika mereka bersepakat menetapkan

sesuatu khabar, tentulah yang demikian itu memang ada didengarnya. Dan di antara hadis yang mutawatir maknanya, ialah hadis seperti: "*Innamal A'malu*".

- ii) Hadis-hadis mutawatir menjadi hujah dengan ijmak segala kaum Muslimin, terkecuali golongan yang hanya membangsakan diri kepada Islam, pada hal batinnya memusuhi Islam sebagai yang dihikayatkan oleh Imam Syafie dalam kitab *Al Umm*.

B) *HADIS MASYHUR* atau *HADIS MUSTAFIED* ialah:

Segala hadis yang terdiri lapisan pertama atau lapisan kedua yang mengkhabarkanya dari orang perorangan atau beberapa orang sahaja. Sesudah itu, barulah tersebar luas. Dimaksud dengan lapisan kedua, ialah lapisan *tabi'in*. Maka sesuatu hadis yang terkenal dalam kalangan *tabi'in*, dihukumnya *Hadis Masyhur*. Demikian juga hadis yang popular dalam kalangan yang mengiringi *tabi'in*. Kalau sesudahnya, tidak lagi.

- i) Hadis Masyhur yang disambut dengan baik oleh ulama abad kedua dan abad ketiga dan telah terkenal baik di antara mereka walaupun dipandang *Hadis Ahad*, namun ulama-ulama Hanafi menjadikannya lebih tinggi dari *Ahad* yang lain, yang tidak masyhur. Mereka menjadikan *Hadis Masyhur* antara *Mutawatir* dengan *Ahad*.

- ii) Mereka mentaksyiskan al-Qur'an dengannya dan menambah hukum-hukum yang tidak terdapat dalam al-Qur'an dengannya. Hadis *Ahad* yang lain tidak diberikan fungsi ini.

Maka perbezaan antara Hadis Masyhur atau Mustafied dengan Hadis-hadis Ahad yang lain, ialah:

Hadis-hadis Ahad yang tidak masyhur tidak dijadikan *pentakshish* ayat al-Qur'an. Golongan yang lain dari mereka menjadikan segala Hadis Ahad pentakshiyh al-Qur'an. Di antara yang berpendapat demikian ialah Imam Syafie dan Imam Ahmad. Adapun Imam Malik, beliau menjadikan Hadis Ahad pentakshish al-Qur'an jika dikuatkan oleh '*amalan ahli Madinah*' atau oleh '*Qiyas*'.

C) *HADIS AHAD* atau *Hadis Khassah*.

Menurut istilah Imam Syafie dan ulama-ulama yang semasa dengan beliau, ialah:

“Segala khabar yang diriwayatkan oleh orang-perorangan atau dua orang atau lebih, tetapi tidak cukup terdapat padanya sebab-sebab yang menjadikannya masyhur”.

Membangsakan hadis ini kepada Rasul saw. adalah berdasar keyakinan. Oleh kerana itu, jumhur ulama Islam menerima hadis-hadis ahad dari orang yang kepercayaan dan adil serta berhujah dengan dia dalam urusan-urusan amal, tidak dalam urusan i'tikad. Urusan i'tikad wajib ditegakan atas dalil-dalil yang yakin yang tidak ada keraguan padanya. I'tikad ialah: “*Keyakinan yang kukoh berdasarkan dalil*”. Yang demikian ini tiada diperoleh dengan berdasar *Dalil Zanny* yang ada subhat pula padanya.

Mengenai soal amal, dapat kita mendasarkannya kepada persangkaan yang kuat. Apalagi mengingat bahawa dalam urusan *Muamalat* dan *Hukum* memang

dipegangi *dasar-dasar zanny*. Kalau tidak, tentu rusaklah keadaan masyarakat.

Demikian pendapat jumhur dalam menetapkan fungsi *Hadis Ahad*. Mereka berpegang kepadanya dalam urusan *amal* dan *hukum*; tidak dalam urusan *i'tikad* atau *kepercayaan*. Untuk itu para Muhaddisin telah mentertibkan ***Hadis-hadis Ahad*** kepada tiga bahagian. Masing-masing bahagian mempunyai beberapa nama.

Pertama: Hadis Sahih

Kedua : Hadis Hasan

Ketiga : Hadis Dhaif

HADIS SAHIH, ialah:

“Hadis yang bersambung-sambung sanadnya dengan pindahan (riwayat) orang yang kukoh ingatannya yang dipindahkan (diriwayatkan) oleh orang yang seumpamanya; tiada terdapat padanya keganjilan dan cacatan-cacatan yang memburukannya”.

Dengan takrif ini, keluarlah dari kalangan sahih segala hadis yang *Munqathi* dan hadis *Mursal*. (*Tentang Hadis Mursal akan diperjelaskan sesudah ini*).

HADIS HASAN, ialah:

“Hadis yang banyak jalan datangnya dan tidak ada dalam sanadnya orang yang tertuduh dusta dan tidak pula syaaz”.

HADIS DHA'IF, ialah:

“Segala hadis yang tidak didapati padanya syarat sahih dan tidak pula didapati padanya syarat hasan. Umpamanya, perawai-perawinya bukan

orang yang dipandang adil, terkenal ada berdusta atau tidak terang keadaan dan tidak pula banyak jalan riwayat itu, atau terdapat padanya *illat* dan *syuzuz* (kecacatan dan keganjilan)".

Khabar-khabar dha'if ini bertingkat-tingkat keadaanya. Seburuk-buruknya, *Hadis Maudhu'*. Perlu diketahui, hadis-hadis dha'if ada yang dapat dinaikkan kepada derajat Hasan setelah dipelajari keadaannya baik-baik. Di antara hadis-hadis dha'if itu, ialah:

a) *Hadis Munqathi*, iaitu: Hadis yang digugurkan dari sanad seorang perawi yang bukan Sahabat atau disebut seorang yang *mubhan* (tidak disebut nama).

b) Dan di antaranya pula *Hadis Mu'dlal* iaitu: Hadis yang digugurkan dari sanad dua orang atau lebih. dan di antaranya pula hadis yang *di'rsalkan* (diriwayatkan) oleh seseorang tabi'in dari Rasul saw.

c) Dan di antaranya *Hadis Syaadz* iaitu: Hadis yang diriwayatkan oleh seorang yang kepercayaan yang menyalahi riwayat orang ramai yang dipercayai. takrif sedemikian diberikan oleh Imam Syafi'e.

d) Di antaranya pula *Hadis Munkar*, iaitu: Hadis yang diriwayatkan oleh seseorang yang tidak dapat dipercayai, berlawanan dengan riwayat orang kepercayaan pula. Hadis ini terus ditolak, sedang *Hadis Syaadz* ditwaqqufkan.

e) Di antaranya *Hadis Mudtharab*, iaitu: Hadis-hadis yang berlawanan riwayatnya, mengenai matan atau mengenai sanad dan tidak

dapat di kuatkan salah satu sanadnya atau salah satu matannya.

Tentang pemakaian Hadis Dha'if para ulama mempunyai tiga pandangan:

Pertama: Hadis Dha'if itu tidak boleh diamalkan sama sekali. Tidak boleh dalam soal hukum, tidak boleh dalam soal pengajaran dan lain-lain.

Alasan golongan ini ialah: Agama ini diambil dari Kitab dan Sunnah yang benar. Hadis Dha'if bukan sunnah yang dapat diakui benar. Maka berpegang kepadanya bererti menambah agama dan tidak berdasarkan kepada keterangan yang kuat.

Kedua: Hadis-hadis Dha'if itu dipergunakan untuk menerangkan fadhilat-fadhilat amal (*Fadhailul Amal*).

Pendapat ini dikatakan pendapat sebahagian Fuqaha dan Ahli Hadis. Imam Ahmad menerima hadis-hadis dha'if kalau berpautan dengan *targhib* dan *tarhib* dan menolaknya kalau berpautan dengan hukum.

Ketiga: Mempergunakan Hadis Dha'if kalau dalam soal yang diperkatakan tidak diperoleh hadis-hadis Sahih atau Hasan.

Pendapat ini dinisbahkan oleh Imam Abu Daud, demikian pula pendapat Imam Ahmad, bila tidak diperoleh fatwa sahabat. Perlu ditegaskan bahawa menurut penerangan al-Hafiz Ibnu Hajar al-Asqalani, bahawa oleh yang mempergunakan

hadis dha'if diperbolehkan mengambilnya dengan tiga syarat:

- i) Kelemahannya tidak seberapa. Maka hadis yang hanya diriwayatkan oleh orang tertuduh dusta tidak dipakai.
- ii) Petunjuk hadis itu ditunjuki oleh sesuatu dasar yang dipegangi, dengan erti memegangnya tidak berlawanan dengan satu-satu dasar-dasar hukum yang sudah dibenarkan.
- iii) Jangan di'itikadkan sewaktu menggunakannya bahawa hadis itu benar-benar dari Nabi. Hanya dipergunakan sebagai ganti memegangi pendapat yang tidak berdasarkan nas sahaja.

D) HADIS MURSAL (yang putus sanadnya).

Mengenai hadis-hadis *Mursal* ini ada dua istilah: *Pertama*, menurut istilah para Muhaddisin, mereka menamai *Hadis Mursal* sebagai:

“Segala hadis yang bersambung sanadnya kepada Tabi'in, lalu Tabi'in tidak menyebut nama Sahabat yang meriwayatkan hadis kepadanya, hanya langsung menyebut nama Nabi saw. Dan apabila sanad itu terputus sebelum Tabi'in, dinamailah *Munqathi* kalau seorang; kalau dua orang dinamai *Mu'dal* .

Kedua: istilah para Fuqaha, iaitu:

“Segala hadis yang tidak disebut sanadnya dengan bersambung-sambung kepada Rasul saw. baik terputus sanadnya itu sesudah Tabi'in ataupun sebelumnya”.

Jadi, sesuatu hadis yang tidak disebut nama Sahabat oleh Tabi'in atau tidak disebut nama Sahabat oleh Sahabat yang terang bahawa ia tidak mendengar hadis dari Nabi sendiri, dinamai *Mursal*. Takrif ini terkenal dalam kalangan para fuqaha dimasa Imam Empat dan di dalam kalangan beberapa penulis usul.

Mengenai keujahannya, *Hadis Mursal* diperselisihi para ulama. Sesetengah ulama menolaknya dan memandangnya hadis dha'if yang tidak dapat dijadikan hujah dalam beramal.

PERIWAYAT HADIS YANG UTAMA

Yang dimaksudkan di sini ialah *ketujuh imam* yang utama mengumpulkan, melalui seleksi ketat, hadis-hadis dalam sebuah kitab yang diambil atau diperoleh secara lisan mahupun tulisan disertai dengan menerangkan, misalnya, soal rawi dan derajat hadis yang tidak dijelaskan. *Karya Agung* ketujuh imam berikut ini tersohor sebagai kodifikasi hadis terbaik dan punya kekuatan terdepan sebagai dasar hukum. Dari *Sahih Bukhari* sampai kepada *Sunan Nasa'i* biasa disebut *Kutubul-Khamsah* atau *Al-Usulul-Khamsah*. Sedangkan kalau ditambah dengan *Sunan Ibnu Majah*, maka sangat dikenal dengan nama *Kutubus-Sittah* atau *Ashabus-Sittah*. Imam-Imam tersebut ialah:

1. IMAM BUKHARI (194H—256H/810M—870 M)

Nama lengkapnya adalah Abu Abdillah Muhammad bin Ismail bin Ibrahim bin Al-Mughirah bin Bardizbeh Al-Ja'fi, bergelar Imam Bukhari yang bererti putra daerah Bukhara (*tempat lahir beliau*) di daerah Uzbekistan, wilayah Uni Sovyet, pada 13 Syawal 194 H. *Berguru* kepada 1,080 guru dan mulai mengarang pada usia 18 tahun. Karyanya yang terkenal, adalah: *Sahih*

Bukhari, sebuah kitab kumpulan 8,122 buah (versi lain: 9,082) hadis sahih yang dihimpunnya selama 16 tahun, dan disaring dari 600,000 hadis. Karya-karyanya yang lain adalah, *Tarikhul-Kabir*, *Tarikhul-Awsath*, *Adabul-Manfarid*, dan *Birrul-Walidayn*.

2. IMAM MUSLIM (204H—261H/820—875 M)

Nama lengkapnya adalah Abu Husein Muslim bin Al-Hajaj Al-Qusyairi, putra kelahiran Naisabur, sebuah kota kecil bahagian timur laut Iran pada 204H dan meninggal di sana pada Rejab 261H. Karyanya, yang terkenal antara lain, *Sahih Muslim*, berisi 7,273 hadis sahih (versi lain: 3,033 atau 10,000) yang diseleksi dari sekitar 300,000 atau setengah juta hadis, selama 15 tahun. Hadis ini paling tertib susunannya, paling sistematik isinya, tidak bertukar-tukar, tidak berlebih dan kurang pula sanadnya (paling saksama menggunakan *isnad*). Kemudian karya-karyanya yang lain adalah, *Musnad Kabir*, *Jamial-Kabir*, *Kitabut-Tamyiz*, dan *Kitabut-Tabaqat-Tabi'in*.

3. IMAM ABU DAUD (202H—275H/817M—889M)

Abu Daud Sulaiman bin Al-Asy'ats bin Ishaq As-Sijistani, lahir di Sijistan (daerah antara Iran dan Afghanistan) pada tahun 202H dan meninggal di Basrah pada tahun 275H. Karyanya, antara lain, *Sunan Abu Daud*, sebuah kitab himpunan 4,800 hadis (versi lain: 5,274) hasil saringan dari 500,000 hadis.

4. IMAM TURMUDZI (209H—279H/824M—89M)

Lahir di Turmuz, sebuah kota kecil di tepi utara sungai Amuderiya sebelah utara Iran, pada Dzulhijah

200H dengan nama lengkap Abu Isa Muhammad bin Isa bin Surah. Di tempat itu pula beliau mangkat di akhir Rajab 279H. Karyanya, antara lain, Kitab *Sunan Turmudzi* yang menghimpun 3,956 hadis, dan kitab *Ilahul-Hadis*.

5. IMAM NASA'I (215H—303H/839—915 M)

Bernama lengkap Abu Abdurrahman Ahmad bin Syu'aib bin Bahr, lahir di kota Nasa, wilayah Khurasan. Lalu menetap di Mesir dan mengajar hadis di sana. Beliau meninggal di Ar-Ramlah pada 13 Safar 303H. Karyanya, antara lain, *Sunan Al-Kubra* atau *Sunan An-Nasa'i* yang berisi 5,761 hadis, dan kitab *Al-Mujtaba'*.

6. IMAM IBNU MAJAH (209H—273H/824M—887M)

Beliau lahir di Qazwin pada 207H dan meninggal pada Ramadhan 273H. Karya seorang alim yang bernama lengkap Imam Abu Abdillah bin Yazid bin Majah, ini di antaranya adalah *Sunan Ibnu Majah* yang mengandung 4,341 hadis selektif.

7. IMAM AHMAD BIN HANBAL (164H-241H/780M-855M)

Bernama lengkap Abu Abdullah Ahmad bin Muhammad bin Hanbal bin Hilal Asy-Syaibani, Imam ini lahir di Baghdad pada Rabiul Awal 164H. Setelah cukup dewasa, beliau mengembara ke banyak negara; antara lain, Syam, Hijaz, dan Yaman, sebagai musafir yang haus ilmu, terutama ilmu hadis. Beliau berguru, misalnya, kepada Ibnu Uyainah, Imam Syafi'i dan Abdur Razak ibnu Hammam. Bukhari dan Muslim banyak meriwayatkan hadis darinya, dan karya *masterpiece*-nya yang masyhur adalah *Musnad Al-Kabir* yang berisi 30,000 hadis sebagai

hasil tapisan tidak kurang dari 750,000 hadis. Tetapi sebahagian ulama menganggap bahawa di dalamnya dijumpai pula beberapa hadis *dha'if*.

Salah satu kisah yang menonjol dalam hidup beliau ialah ketika ia dipenjara dan disiksa oleh pemerintahan Khalifah Mu'tasim, lantaran menolak pendapat kaum Mu'tazilah yang sangat mempengaruhi Khalifah kala itu, tentang Al-Qur'an. Beliau dipaksa untuk mengeluarkan fatwa, setidaknya menyetujui bahawa Al-Qur'an itu makhluk kerana ia adalah firman Allah. Pernah juga Imam pendiri mazhab Hanbali ini menolak jabatan *qadhi* yang ditawarkan oleh salah satu Khalifah, di Yaman.

Pengikutnya banyak terdapat di Arab Saudi, Yaman, Oman, Kuwait, Jordan dan Bahrain. Cucu mantan gubernur negeri Sarkhas pada masa pemerintahan Bani Umayyah ini, meninggal di Baghdad pada 12 Ramadhan 241H.

TUJUH TINGKAT GELARAN PAKAR HADIS

Sebenarnya ada banyak ahli hadis yang dianugerahkan kepada seseorang, baik secara formal maupun langsung dihadiahkan oleh masyarakat, sesuai dengan ilmunya. Namun gelaran tersebut di bawah ini relatif sudah mewakili gelaran-gelaran yang ada, seumpama *Al-Mutsbit* dan *Al-Mufidh*.

1. AMIRIL MUKMININ FIL-HADIS

Ini gelaran tertinggi dan paling terhormat untuk para khalifah atau imamnya sekalian ulama hadis. Misalnya, yang memperoleh gelaran ini adalah: *Syuhbah bin Hajjaj, Bukhari, Muslim, Ahmad bin Hanbal, Daruquthni, Nawawi, Sufyan Tsauri*, dan lain-lain.

2. AL-HAKIM

Pakar hadis yang menguasai segala hal yang bersangkutan dengan hadis, seperti *matan, sanad, rawi, tarjih* dan lain-lain, termasuk syarat untuk sahnya sebuah hadis, dan juga telah hafal lebih daripada 300,000 buah hadis. Tetapi masih berada satu tingkat di bawah

keahlian dan penguasaan para “*Amirul Mukminin Fil Hadis*”.

3. AL-HUJAH

Pakar hadis yang sudah hafal *matan*, *sanad*, *rawi*, dan sejumlah 300,000 hadis atau lebih. Daya hafalnya sudah demikian andal dan tepercaya sehingga umat dapat berhujah kepada hafalannya itu.

4. AL-HAFIZH

Ahli hadis yang telah menguasai ilmu tersebut secara mendalam dan hafal di luar kepala. Sudah pula tergolong pakar hadis yang mampu menghasilkan *matan*, *sanad*, serta dapat *men-tarjih*-kan, *men-ta’dil*-kan, dan merawikan hadis. Hadis yang dihafal pun lebih daripada 100,000 buah.

5. AL-MUHADDITS.

Orang yang sudah mulai menguasai sejumlah besar ilmu hadis, dan telah mampu membedakan mana hadis *sahih* dan mana hadis *dha’if*, misalnya tahu *sanad-sanad*, *‘illat-‘illat* serta faham benar akan kitab hadis yang enam (*Kutubus-Sittah*), kendatipun hadis yang dihafalnya baru sekitar 1,000 buah.

6. AL-MUSNID

Gelaran ini untuk mereka yang sudah sanggup meriwayatkan hadis dengan menyebut sanadnya sekali pun mungkin belum tahu benar. *Al-Musnid* biasa pula disebut “*Ar-Rawi*” atau “*Ar-Rawiyah*”, kerana ia bersifat perawi sahaja

7. THALIBUL-HADIS

Orang yang baru mengawali dirinya dalam ilmu-ilmu hadis atau baru mencari-cari dan merintis jalan sebagai ahli hadis.

RUMUSAN-SISTEM PENAMAAN RAWI HADIS

Rumusan di bawah ini lazim dijumpai kalau, umpamanya, sebuah hadis, selain terdapat dalam *Sahih-Bukhari*, juga ada dalam *Sahih-Muslim*, atau di kitab-kitab *Sunan*, atau di kitab-kitab hadis penting lainnya. Untuk itu, yang dicantumkan adalah rumusan bilangan yang menunjukkan banyaknya rawi hadis tersebut.

1. RUMUSAN IBNU ISMAIL AL KAHLANI (ASY-SYAN'ANI) DALAM SUBULUS-SALAM DAPAT DISIMPULKAN SEBAGAI BERIKUT:

- *Akhrajahus-Sab'ah*, bererti hadis itu diriwayatkan oleh tujuh rawi: Bukhari, Muslim, Ahmad, Abu Daud, Turmudzi, Nasa'i dan Ibnu Majah.
- *Akhrajahus-Sittah*, ertinya diriwayatkan oleh enam imam, iaitu Bukhari, Muslim, Abu Daud, Turmuzi, Nasa'i dan Ibnu Majah tidak termasuk *Imam Ahmad*.
- *Akhrajahul-Khamsah*, ertinya diriwayatkan oleh lima rawi, iaitu Abu Daud, Turmuzi, Nasa'i, Ibnu Majah dan Ahmad. Untuk ini biasa juga dipakai istilah "*Akhrajahul-Arba'ah wa Ahmad*".

- *Akhrajahul-Arba'ah*, ertinya dirawikan oleh empat imam *Sunan* (Abu Daud, Turmudzi, Nasa'i dan Ibnu Majah).
- *Akhrajahus-Salatsah*, ertinya diriwayatkan oleh tiga imam *Sunan* iaitu Abu Daud, Turmuzi, Ibnu Majah.
- *Akhrajahusy-Syaikhan*; ertinya rawinya adalah Bukhari dan Muslim.
- *Akhrajahul-Jama'ah*, ertinya banyak yang meriwayatkan.
- *Muttafaq-Alaih*, ertinya sepakat Bukhari-Muslim dari sumber sahabat yang sama.

Selain rumusan tersebut ada juga rumusan-rumusan yang dilakukan oleh *Mansyur Ali Nashif* yang terdapat dalam kitab *At-Tajul Jami'ul Ushul* dan oleh *Imam Asy-Syaukani* dalam kitab *Naylul Authar*.

BERBAGAI HADIS DHA'IF (LEMAH)

Agar dapat diketahui lebih lanjut tentang hadis-hadis dha'if yang ketentuan hukumnya telah diketahui sebagai hadis mardud (tertolak), maka perlu diketahui pula macam-macam hadis dha'if agar dapat ditolak sewaktu-waktu dikemukakan di dalam buku-buku yang dibaca.

Adapun hadis-hadis dha'if yang terlolak itu disebabkan cacat atau tercela rawi-rawi dan matannya antara lain, ialah:

1. **Hadis Matruk:** ertinya yang ditinggalkan. Hadis yang dalam sanadnya terdapat rawi yang dicurigai kerap *dusta*, *fasiq*, atau *pelupa*.
2. **Hadis Munkar:** ertinya yang diingkari, yang ditolak. Hadis yang tidak diketahui *matan* atau *lafaznya* oleh rawi lain, melainkan oleh yang meriwayatkannya sahaja. (*Lihat juga: Hadis Ma'ruf*).
3. **Hadis Muallal** (*ma'lul*): ertinya yang sakit. Yang dimaksud dalam ilmu hadis ialah, suatu hadis yang zahirnya sah, tetapi setelah diperiksa ternyata ada cacatnya.

4. **Hadis Mudraj:** ertinya yang tercampur. Hadis yang disodor dengan yang bukan hadis (namun disangka hadis), atau kadang pula ditambah-tambahi.
5. **Hadis Maqlub** (Munqalib): ertinya yang terbalik, yang tertukar. Hadis yang diputarbalikkan (misalnya, susunan kata atau kalimatnya, atau dalam sanadnya) oleh rawinya, sehingga terjadi kesilapan di dalamnya.
6. **Hadis Mudhtarib:** ertinya yang goncang. Hadis yang diriwayatkan oleh seorang rawi dengan beberapa jalan yang berbeda-beda (menukar-nukar rawi, atau matannya berbeda) dan saling bersalaman, sehingga susah ditentukan mana yang benar. Jadi dikacaukan oleh adanya ketaksesuaian susunan kata atau matannya.
7. **Hadis Muharraf** (*Tahrif*): ertinya yang dipalingkan. Hadis yang berbeda dengan hadis riwayat orang lain karena perubahan baris (*harakah*), *syakal* kata atau huruf, namun bentuk tulisannya tetap sama. (*Syakal* adalah tanda hidup/mati, seperti misalnya kata *amir*, dibaca *umair*)
8. **Hadis Mushahaf:** ertinya yang dirubah. Hadis yang berbeda dengan hadis riwayat orang lain kerana perubahan titik-titik kata atau huruf, sedang-kan bentuk tulisan tetap sama.

9. **Hadis Mardud.** Hadis yang diketahui rawinya sebagai penganut *bid'ah* sehingga tidak dapat diterima sebagai pedoman.
10. **Hadis Syadz:** ertinya yang ganjil, yang menyalahi. Hadis yang diriwayatkan oleh rawi yang hafalannya buruk, sehingga ada perubahan dibanding yang diriwayatkan orang lain yang lebih baik hafalannya.
11. **Hadis Mukhtalith:** Hadis yang hafalan rawinya kurang kendal kerana sudah nyanyuk dan atau berpenyakitan.
12. **Hadis Mubham:** ertinya yang tersembunyi. Hadis yang padanya atau dalam sanadnya terdapat rawi yang tidak disebut namanya atau tidak dikenal identiti-nya oleh ahli hadis.
13. **Hadis Mu'allaq:** Hadis yang tidak disebut sanadnya, atau gugur pada awal sanadnya, sedang yang di tengah tidak.
14. **Hadis Mursal:** Hadis yang dilangsungkan sahaja oleh *tabi'in* kepada Nabi *s.a.w.* tanpa menyebut pertaliannya dengan sahabat.
15. **Hadis Mu'dhal (Mu'adhdhal):** Hadis yang dirawikan oleh *tabi'it-tabi'in* dari Nabi *s.a.w.* atau sahabat tanpa melewati *tabi'in*. Atau hadis yang gugur rawinya (lebih seorang) sebelum sahabat, dan berturut-turut pula.
16. **Hadis Munqathi':** Hadis yang gugur rawinya sebelum sahabat, namun tidak berturut-turut.
17. **Hadis Mudallas (Tadlis):** Hadis yang di dalamnya dijumpai kecurangan karena dalam sanadnya ada rawi yang enggan; menyebut nama yang merawikan (yang memberinya

hadis) dan menggantinya dengan nama orang lain.

18. **Hadis Mudhaaf:** Hadis yang lemah matan atau sanadnya. Setengah sanadnya menguatkan setengah yang lain.
19. **Hadis Saqim:** Hadis yang pengertian dan tujuannya bertolak belakang dengan firman Allah.
20. **Hadis Muftara':** Hadis yang berisi perkataan yang disusun oleh seseorang yang mendakwa-kan dirinya Nabi *s.a.w.*
21. **Hadis Muhmal:** Hadis yang diriwayatkan oleh salah satu dari dua orang yang cocok namanya, gelaran, nama samaran, nama bapak, atau nama datuknya, dan sebagainya.
22. **Hadis Murakkab:** Hadis yang disusun sanadnya dari matan hadis lain, atau disusum matanya dari sanad matan hadis lain.
23. **Hadis Majhul:** ertinya yang tidak dikenal atau diketahui. Hadis yang diriwayatkan oleh orang yang tidak dikenal di kalangan ahli ilmu. (*Kebalikan dari Hadis Masyhur*).
24. **Hadis Mastur:** Hadis yang diriwayatkan oleh dua orang darinya yang bukan orang kepercayaan.

HADIS MAUDHU' DAN CIRI-CIRINYA

Sebagaimana para ulama membuat peraturan untuk mengetahui mana Hadis yang Sahih, mana yang Hasan dan mana yang Dha'if, begitu juga mereka membuat peraturan untuk mengetahui hadis-hadis Maudhu' (Palsu). Mereka terangkan **tanda-tanda** yang perlu diingati benar-benar, agar dapat kita membezakan antara hadis-hadis yang sebenar dengan yang palsu (maudhu') seperti di bawah ini:

Pertama, tanda-tanda yang diperolehi pada *Matan* atau *materi hadis* (yang disabdakan Nabi, disebutkan sesudah sanad). Ini tidak boleh bertentangan dengan Al-Qur'an, dengan hadis lain yang lebih kuat, atau dengan realiti, fakta sejarah, dan prinsip-prinsip pokok ajaran Islam.

Kedua, tanda-tanda pada *Sanad* (sandaran yang dapat dipercayai, atau persambungan antara pembawa dan penerima hadis, atau antara rawi dengan Nabi). Ertinya, mereka itu secara benar berjumpa atau saling berguru, dan hubungan mereka jelas—tidak meragukan.

Ketiga, perawi (yang membawakan atau meriwayatkan hadis) yang syaratnya harus adil (muslim, baligh, jujur, tidak pernah dusta dan tidak pernah membiasakan dosa), dan *hafiz* (kuat hafalannya dan dapat dipertanggung jawabkan pribadi atau jati-dirinya).

PADA SANAD DAN PERAWI

Banyak benar tanda-tanda kemaudhu'an hadis pada sanad. Di bawah ini kami terangkan yang penting-penting sahaja.

1. Pengakuan atau keterusterangan pembuat atau perawinya baik secara sadar maupun terpaksa. Umpamanya pengakuan *Abu Isymah Nuh ibnu Abi Maryam* dan *Abdul Karim ibnu Abi Awja'*. Yang terakhir ini mengaku telah memalsu lebih-kurang 4,000 hadis.
2. Kenyataan sejarah bahawa rawi itu tidak ketemu (tidak semasa) dengan orang yang dikatakan gurunya—tidak sesuai dengan fakta sejarah.
3. Rawi itu sendiri terkenal sebagai tukang *karang*, atau diduga berdusta.
4. Ada petunjuk bahawa di dalam sanadnya terdapat kebohongan, isinya *rambang* dan berlebihan sehingga serasa mustahil disabdakan oleh Nabi saw.

PADA MATAN (ISI)

Tanda-tanda pada Matan pun banyak pula. yang penting diingat ialah:

1. Bertentangan dengan akal sehat.

2. Berlawanan dengan Al-Qur'an, Hadis (Sahih dan Mutawatir), dan *ijma'* yang telah dimufakati (*ijma' qath'iy*).
3. Mengandung pemujaan atas seseorang.
4. Berisi pandangan memihak dan bersifat menuduh terhadap para sahabat Nabi dan *ahlul-bayt*.
5. Mengandung peringatan akan hukuman berat untuk kesalahan kecil, atau pahala yang sangat besar bagi amalan baik yang sebenarnya cuma kecil. Terkandung di dalamnya bukti pemalsuan yang jelas menyangkut waktu dan keadaan pada saat diriwayatkan. Yang diriwayatkan itu merupakan perkara besar dan penting yang semestinya diriwayatkan dan diketahui orang banyak, tetapi nyatanya hanya dirawikan oleh seorang sahaja.
6. Terkandung di dalamnya bukti pemalsuan yang jelas menyangkut waktu dan keadaan pada saat diriwayatkan.
7. Yang diriwayatkan itu merupakan perkara besar dan penting yang semestinya diriwayatkan dan diketahui orang banyak, tetapi nyatanya hanya dirawikan oleh seorang sahaja.
8. Cara-cara mereka membuatnya, antara lain di dorong oleh pemikiran sendiri, atau meriwayatkan perkataan dari kata-katanya sendiri, '*hukama*' atau '*ulama*', lalu dinisbahkan kepada Nabi. Atau sebenarnya tidak ada maksud untuk itu, melainkan hanya salah sangka sahaja.

9. Susunan (*lafaz*) dan pengertian, atau maknanya buruk.

SEBAB-SEBAB TIMBULNYA PEMALSUAN HADIS

Pemalsuan hadis mulai muncul pada zaman ketiga, setelah wafatnya Khalifah Ali. Dan jenis hadis yang dipalsukan adalah tentang pribadi-pribadi yang diagung-agungkan. Ada kalangan yang “*menuding*” bahawa yang pertama melakukan pekerjaan sesat ini ialah golongan Syi’ah. Kelakuan mereka ini kemudian “*ditandingi*” oleh kalangan dari kelompok Ahli Sunnah Waljamaah untuk mengimbangi. Dan kota yang mula-mula mengembangkan hadis-hadis palsu ialah di Iraq yang oleh Imam Malik disebut “*kilang hadis palsu*”.

Secara garis besar dan umum, ada tujuh motif menyebabkan pemalsuan hadis berlaku:

1. *Perselisihan* dalam perkara politik atau soal *khilafah* (kepemimpinan).
2. *Zandaqah*, iaitu golongan yang tidak suka kepada Islam dan pemerintahannya, dan sengaja mahu mencemari dan menjelek-jelekkan Islam.
3. *Ashabiyah* atau fanatik, golongan, bangsa, suku, kabilah, bahasa, imam, dan sebagainya.

4. *Dorongan* keinginan dan pemikirannya sendiri untuk menarik perhatian dengan jalan kisah, pengajaran atau hikayat-hikayat yang menakjubkan.
5. *Berbeza* pendapat dalam masalah fiqih atau dalam soal-soal ilmu kalam.
6. *Adanya* pendapat yang membolehkan orang membuat hadis demi kebaikan. Dengan kata lain, niatnya baik namun pengetahuannya cetek, teristimewa tentang hadis.
7. *Untuk* menyenangkan penguasa atau pembesar negeri dengan tujuan beroleh kedudukan atau harta atau kepentingan lain.

GOLONGAN PEMALSU HADIS

Para pemalsu hadis, dengan maksud yang beragam, sebagai yang telah disebutkan, datang dari berbagai kalangan dalam masyarakat, baik dari kelas “*kroco*”, dalam erti hanya mampu mengeluarkan susunan hadis imitasi maupun yang kelihatannya memang sudah “*profesional*” dengan kesanggupan mencetak hadis secara luas hingga puluhan ribu jumlahnya. Sebahagian Pendusta tersebut dapat disebutkan, diantaranya:

1. Aban ibnu Ja'far An-Numaiqi
(pembuat 300 hadis palsu yang disandarkan pada Abu Hanifah),
2. Ibrahim ibnu Zaid Al-Aslami,
3. Ahmad bin Abdullah Al-Juwaibari
(pembikin hadis tiruan untuk kepentingan golongan Karamiyah),
4. Jabir ibnu Zaid Al-Ja'fi (“produser” 3,000 hadis lancung),
5. Muhammad ibnu Syuja' Al-Wasithi,
6. Abu Ushmah Nuh bin Abi Maryam,
7. Al-Harits bin Abdillah Al-A'war,
8. Muqatil ibnu Sulaiman (di Khurasan),
9. Muhammad ibnu Sa'id Al-Mashlub (di Syam),
10. Al-Waqidi (di Baghdad),
11. Ibnu Abi Yahya (di Madinah), dan
12. Abdul Karim bin Abi Awja'.



PETUNJUK RINGKAS BAGI PARA PEMANGKU HADIS

Apabila kita hendak memeriksa hadis yang belum terang keadaannya, hendaklah kita letakkan hadis tersebut dihadapan kita. Kita mulai lihat ***Sanadnya***. Kita periksa hal-ehwal ***Perawinya***. Untuk mengetahui keadaan seseorang perawi, perlu kita membuka ***Kitab Rijal***. Sesudah kita lakukan pemeriksaan dengan teliti dan hati-hati, hemat dan cermat, hasillah bagi kita kepercayaan dan keteguhan hati, yakni: sesudah kita ketahui bahawa segala perawinya baik dan berkepercayaan.

Jika ada dalam sanad hadis orang yang dikatakan dha'if, berpindahlah kita dari ***Kitab Rijal*** kepada ***Kitab Jarah*** dan ***Ta'dil*** untuk menyelidiki apa sebabnya perawi tersebut di dha'ifkan. Apakah gerangan yang mendha'ifkannya? Betapakah pandangan para ahli hadis dan agama terhadap perawi itu? Cukupkah alasan yang menjatuhkan derajat orang tersebut dari keadilannya? Setelah itu, perlu kita membuka ***Kitab Nasikh*** dan ***Mansukh***, agar dapat kita menetapkan: Apakah hadis

yang kita sudah hukum sahih sanadnya masuk bahagian hadis yang sudah mansukh atau tidak? Kerana jika ia benar-benar telah mansukh, tentulah kita tidak dapat mengamalkannya, walaupun sanadnya sahih, atau hasan, tidak ada padanya cacatan yang menggugur-kannya.

Untuk menyulahi maksud-maksud kata-kata ulama-ulama hadis apakah yang mereka maksudkan dari perkataan *Hasan*, *Syaaz*, *Marfu'*, *Mauquf*, umpamanya, haruslah kita kembali memperhatikan kitab-kitab *Musthalah* ahli hadis serta mentarjihkan kaedah yang berlain-lainan. Sesudah itu semuanya kita perhatikan lagi matannya.

BILAKAH BOLEH KITA BERHUJAH DENGAN SESUATU HADIS?

Lebih jauh diterangkan bahawa neraca yang harus kita pergunakan dalam berhujah dengan sesuatu hadis ialah memeriksa: apakah hadis tersebut *Maqbul* atau *Mardud*. Kalau *Maqbul* boleh kita berhujah dengan dia, kalau *Mardud* tidak dapat kita i'tikadkan dan tidak dapat pula kita amalkan.

Maka hadis yang *Maqbul* sebagai yang sudah dapat diketahui, ialah:

“Hadis yang dirawikan oleh orang yang dipercayai lagi kukuh ingatan terhadap apa yang ia riwayatkan, serta bersambung-sambung sanadnya dan terlepas dari syuzuz dan ilat.”

Syuzuz ialah: menyalahi seseorang yang dipercayai akan orang yang lebih kuat daripadanya.

Ilal ialah: terdapat dalam hadis sesuatu penyakit yang tersembunyi yang membawa kepada ketiadaan sahihnya, bila nampak terlihat seperti *wasalkan* yang tidak bersambung-sambung, dirafa'kan yang *mauquf*, dijadikan *muttasil* hadis yang sebenarnya *munqathi* dan di jadikan *marfu'* hadis yang sebenarnya *mauquf*.

Sesudah itu, hadis **Maqbul** itu, jika terlepas dari perlawanan dinamanya **Muhkam**. Dan jika mempunyai perlawanan, tetapi dapat dikumpulkan dengan mudah, dinamanya **Mukhtafiful** hadis. Jika tidak dapat dikumpulkan tetapi diketahui maná yang terkemudian, maka yang terkemudian itu dinamanya **Nasikh** dan yang terdahulu di namai **Mansukh**. Jika tidak dapat diketahui mana yang terdahulu dan mana yang terkemudian, bertawaqquf lah kita dahulu. Hadis tersebut dinamai **Mutawaqqaf** Fihi. Hadis Mardud ialah: yang didapati padanya dua urusan:

- a: Ketidadaan bersambung-sambung sanadnya.
- b: Terdapat pada seseorang perawi cacatan yang menyebabkan tercacat riwayatnya.

Telah diterangkan “orang-orang yang ditolak riwayatnya” dan “yang diteruskan pemeriksaan terhadap diri mereka”.

BETAPA KITA MENGAMBIL SUNNAH SEKARANG INI?

Dahulu dalam abad pertama para ahli mengambil hadis dari mulut guru. Sedikit sekali mereka bersandar-kan pada tulisan (cartetan). Mereka memerlukan persambungan sanad kepada Rasul dan keadilan para perawinya agar hadis tersebut mendapat tingkatan sahih. Sesudah kitab-kitab hadis dihimpunkan dan berkembang

dalam masyarakat, menjadilah pegangan umat (para ahli) kepada kitab-kitab itu lebih dari pegangan kepada guru-guru.

Berkata Ibnu Syalah (643 H) bahawa meriwayatkan dengan sanad-sand yang *Muttasyil* tidak diperlukan lagi di masa sekarang. Yakni, kita tidak memerlukan sanad yang *Muttasyil* dari kita hingga kepada penyusun kitab. Hanya yang wajib bagi kita sekarang, memperhatikan Tiga Faktor penting, iaitu:

- Pertama - Memeriksa apakah kitab yang dikatakan Kitab Bukhari, umpamanya, benar kitabnya atau bukan.
- Kedua - Membahaskan keadaan sanad hadis yang terdapat dalam kitab itu.
- Ketiga - Memeriksa apakah kitab tersebut terlepas dari kesalahan-kesalahan tulisan atau cetakan dari sisipan dan yang sebagainya?

Jalan memperoleh keyakinan bahawa kitab itu tidak salah, tidak keliru tulisannya atau cetakannya, ialah:

Membanding naskah yang hendak kita pergunakan dengan beberapa naskah yang berlainan cetakannya.

PENUTUP

Sepertimana yang telah disampaikan pada pendahuluan kata bahwa sebagai umat Islam kita semestinya tidak boleh membiarkan diri kita diperalat dan diperbodoh-bodohkan oleh sekelompok orang-orang yang pada hakikatnya jahil tetapi cuba-cuba menonjolkan diri selaku orang pintar. Sebaliknya mereka ini *pintar* dalam memutar belit. Orang-orang yang sebagianilah sebenarnya telah diisyaratkan oleh Rasulullah *s.a.w.* yang ertinya

"Akan datang satu kaum yang mematikan As-Sunnah dan menyangatkan dalam agama. Maka atas mereka itu laknat Allah, dan laknat orang-orang yang melaknat dan laknat para Malaikat dan laknat semua manusia."

Dalam hadis tersebut Rasulullah memberi isyarat bahwa kelak akan datang satu masa, diwaktu itu akan muncul sekelompok orang yang sengaja mematikan As-Sunnah. Amalan yang dilakukan mereka setiap hari hanyalah berdasarkan tuntunan Al-Qur'an sahaja, tidak

lagi berdasarkan tuntunan Sunnah Rasul. Sunnah Rasulullah saw. ditinggalkan begitu sahaja, dengan berbagai alasan tanpa ada perasaan tanggungjawab.

Mereka yang menolak Hadis bererti sama seperti menolak pesan-pesan Rasulullah seperti sabdanya, bererti:

"Aku tinggalkan pada kamu dua perkara, selama kamu berpegang dengan keduanya, kamu tidak akan sesat selamanya. Iaitu Kitabullah dan Sunnahku".

Menghidupkan sunnah Nabi sebagai tanda mencintai Nabi seperti mana sabda Rasulullah s.a.w. bererti:

"Barangsiapa yang menghidupkan Sunnahku maka bererti ia mencintai aku, dan barangsiapa yang mencintaiku maka ia akan bersamaku dalam syurga".

Apa yang disabdakan oleh Rasulullah s.a.w. bersumber juga dari wahyu Allah sebagaimana Firman Allah, *Surah Al-Hasyr ayat 7*, ertinya:

"Dan apa yang didatangkan oleh Rasul pada kamu maka ambillah, dan apa yang dilarang olehnya pada kamu maka jauhilah".

Kepada kelompok yang menggelar diri mereka 'golongan Qurany' tentu telah faham maksud ayat tersebut. Jika mereka masih berkeras dengan fahaman mereka, maka kita minta mereka memperjelaskan maksud firman-firman Allah yang di lampirkan di bawah ini, bermaksud:

"Dan tidak sayugianya bagi Mukmin: lelaki dan perempuan - apabila dihukumkan (diputuskan sesuatu hukum) oleh Allah dan RasulNya ada bagi mereka (hak) memilih dalam urusan mereka, kerana barangsiaapa durhaka kepada Allah dan RasulNya, maka sesatlah ia satu kesesatan yang nyata". (Al-Ahzab:36)

Para mufassir telah menerangkan: Apabila Allah atau RasulNya telah putuskan sesuatu hukum terhadap seseorang Mukmin, lelaki atau perempuan, maka wajib ia terima, dan tidak boleh ia memilih mahu terima atau tidak.

Mukmin sejati ialah Mukmin yang mahu menerima sesuatu kepada hukum Rasul serta merasa senang dan lega hati menerima hukuman atas dirinya. Ini sesuai dengan apa yang telah difirmankan Allah dalam *Surah An-Nisa' ayat 65* yang bermaksud:

"Tetapi tidak! demi Tuhanmu! mereka tidak (dikatakan) beriman hingga mereka jadikanmu hakim dalam apa yang mereka berselisihan di antara mereka, kemudian "mereka tidak merasa sempit di hati mereka tentang apa yang engkau (Muhammad) telah putuskan serta mereka menyerah dengan sungguh-sungguh".

Tetapi suara-suara orang-orang *anti hadis* telah kita dengar dengan mengatakan:

Nabi Muhammad tidak punya HAK atau WEWENANG untuk memutuskan apa yang tidak ada diputuskan oleh Al-Qur'an.

Mencari bimbingan agama kepada Nabi Muhammad bererti menyokong pendapat Syaitan.

Dengan berpendirian sedemikian mereka menolak Hadis, sedangkan Al-Qur'an yang merupakan pegangan mereka sendiri terdapat sebaliknya. Dengan sedemikian dapat kita bayangkan bahawa mereka sendiri telah menyalahi Al-Qur'an.

Penyusun risalah kecil ini pernah "*bermuzakarah*" dengan kelompok anti hadis di suatu masa yang lalu. Dalam pertemuan itu kami sedar bahawa pada sebenarnya mereka sangat terkeliru dalam memahami isi Al-Qur'an dan sejumlah besar mereka membaca Al-Qur'an berpandukan *Terjemahan*. Apakah munasabah, dengan berpandu-kan terjemahan sahaja mereka cuba mengajak kita menolak Sunnah Rasul.

Kembali kepada "*muzakarah*" antara penyusun dengan kelompok ingkar sunnah, penyusun telah menyodorkan Firman Allah yang terkandung dalam *Surah An-Nisa' ayat 59* sebagai tertera di bawah ini, tetapi tidak dapat mereka memberi jawapan yang benar dan tepat:

"Hai orang-orang yang beriman!taatlah kepada Allah dan taatlah kepada Rasul dan kepada orang-orang yang berkuasa dari antara kamu. Maka sekiranya kamu berbantahan di satu perkara, hendaklah kamu kembalikan dia kepada Allah dan Rasul*₂) jika adalah kamu beriman kepada Allah dan hari Kemudian. Yang demikian itu sebaik-baik dan sebagus-bagus takwil".

Bila ditanyakan bagaimana kita *kembalikan* persoalan *kepada Rasul**2 dalam ayat tersebut, kelompok itu tidak dapat memberikan penjelasan. Kita difahamkan bahawa maksud *kembalikan kepada Allah* yakni, carilah keputusannya dari *Al-Qur'an* dan *kembalikan kepada Rasul* bermaksud carilah keputusan dari *Al-Hadis* atau *as-Sunnah* dengan jalan faham atau qias. Kalau tidak dari *Al-Hadis* atau *as-Sunnah* selain dari *Al-Qur'an* dari sumber mana yang dimaksudkan Allah dalam *Surat An-Nisa' ayat 59* itu. Kalau Allah ingin memaksudkan *kembalikan* hanya pada *Al-Qur'an* tidak pada yang lain, ini bererti kalam Allah yang menyuruh "*dan (kembalikan) kepada Rasul*" tidak ada hikmah dan ertinya serta sangat mencurigakan (*nauzubillah*).

Setelah diketahui bahawa kehadiran Muhammad Rasulullah saw. itu sebagai *Mubayyin* (juru penerang) sehubungan dengan diturunkannya al-Qur'an dan keterangan yang disampaikan Rasulullah itulah yang dimaksud dengan as-Sunnah/al-Hadis yang wajib diterima sebagai dasar dan sumber hukum dalam Islam, maka perlu diketahui lebih lanjut apa yang mendorong aliran Anti Hadis/Ingkaru Sunnah menolak as-Sunnah.

Menurut pengamatan yang teliti, ada tiga kemungkinan yang mendorong adanya keingkaran tersebut:

1. Kerana Jahil:

Iaitu kurang adanya pengertian terhadap isi dan makna al-Qur'an. Mereka dalam menyampaikan dan dalam tulisan-tulisan mereka tidak faham al-Qur'an secara benar. Al-

Qur'an adalah benar, tetapi analisa dan keterangan puak Anti Hadis menerangkan hanya berpedoman kepada tafsir-tafsir terjemahan dan kamus-kamus yang dimiliki dengan menghubungkan satu dengan yang lain berdasarkan rasio mereka sendiri tanpa *ilmu nahu, saraf* dan lain-lain alat yang diperlukan untuk memahami al-Qur'an, termasuk ilmu tafsir. Kalau sedemikian, bagaimana mungkin yang disampaikan mereka itu dapat dijamin kebenarannya? Kalam Ilahi dibuatnya jadi rusak makna dan maksudnya, *nauzu billahi min zalik*.

2. Kerana Adanya Motivasi Lain:

Apabila seseorang telah memahami dan mengetahui benar akan al-Qur'anyang dengannya telah diketahui pula bahawa untuk mengamalkan al-Qur'an itu perlu adanya *bayan* atau keterangan dari Nabi (as-Sunnah), hingga dengan demikian dapat dimengerti dengan pasti pula bahawa hubungan antara al-Quran dengan as-Sunnah itu tidak dapat dipisahkan, tetapi ternyata orang tersebut masih tetap menolak dan mengingkari as-Sunnah sedangkan ia juga solat dan melakukan haji sebagaimana yang terdapat dalam as-Sunnah.

Maka tidaklah nampak pada kita adanya alternatif lain, melainkan adanya *motivasi* lain yang mengarah kepada penghancuran Islam. Sebab tidak dapat diragukan bahawa mengingkari as-Sunnah bererti mengingkari atau menolak sebahagian ayat-ayat al-Qur'an.

Perlu dicatat bahawa Islam itu berdiri tegak dan sempurna adalah atas dasar al-Qur'an dan as-Sunnah. Disingkirkan dan titolak salah satunya atau sebgainya, bererti menghancurkan Islam.

PENDAPAT ULAMA MASA KINI

Untuk mengakhiri uraian tentang aliran Anti Hadis/Ingkar Sunnah kita kutip beberapa ucapan ulama-ulama besar masa kini tentang pendapat-pendapat mereka sehubungan dengan adanya orang-orang yang menolak dengan mengingkari as-Sunnah. Hal ini dimaksudkan untuk dijadikan bahan pertimbangan sampai ke mana kebenaran dan kekeliruan serta kesalahan dari mereka-mereka yang telah berani menolak dan mengingkari as-Sunnah, sekalipun ucapan ulama-ulama itu masih pula dipertimbangkan samapai di mana pula kebenarannya.

Berkata Syeikh Husain Makhluf, bekas Mufti Mesir dan anggota Majlis Ta'sisi Rabithah Alam Islami Makkah dalam Akhbar Alam Islami tanggal 4 Muharram 1399 H.:

“Barangsiapa meninggalkan sunnah-sunnah qauliyah atau fi'liyah yang telah tetap dari Rasulullah saw. di dalam hukum-hukum, maka ia adalah orang yang murtad”.

Dalam fatwanya yang dimuat dalam Akhbar Alam Islami tanggal 1 Rabi'ul Awwal 1399 H. beliau berkata:

“Mingingkari as-Sunnah adalah terkeluar dari Islam. Dari taman-taman (perbendaharaan_ as-Sunnah terpancarlah sumber-sumber tafsir yang maasur.”

Beriringan dengan keluarnya fatwa tersebut, Lajinah Fatwa Universiti al-Azhar, Kairo menyampaikan pernyataannya sebagai berikut:

“Meninggalkan as-Sunnah adalah perkataan yang batil dan suatu penyelewengan.”

Selanjut dalam susunan kalimat lain dikatakan:

“Dan sesungguhnya meninggalkan as-Sunnah itu (bererti) meninggalkan al-Qur'an al-Karim dan (membentangkan) jalan bagi sampainya meninggalkan al-Qur'an itu serta meniadakan baginya.”

Demikianlah ucapan dan pendapat yang mempertahankan as-Sunnah di masa kini dalam menghadapi aliran yang menolak as-Sunnah atau aliran Anti Hadis yang perlu diperhitungkan dan dipertimbangkan dari mana sumber pengambilannya.

Apabila kita membuka al-Quran dan as-Sunnah, sekalipun ucapan kalimat-kalimat ulama-ulama tersebut tidak didapatkan di dalam al-Qur'an dan as-Sunnah, namun makna dan maksudnya dapat dimengerti bahawa pendapa mereka itu adalah merupakan ketegasan ijtihad yang dilakukan atas dasar pengambilan dari pengertian nas-nas al-Qur'an dan as-Sunnah. *Wallahu a'lam bissawaf.*

Marilah kita saksama menginsafi dan sedar bahawa agama Islam sememangnya telah sempurna dan ianya tidak perlu untuk sesiapa membawa rumusan baru bagi memperbetulkan akidah pemeloknya.

KEPUTUSAN

KOMISI FATWA MAJELIS ULAMA INDONESIA TENTANG ALIRAN YANG MENOLAK SUNNAH/HADIS RASUL

Komisi Fatwa Majelis Ulama Indonesia dalam sidangnya di Jakarta pada tanggal 16 Ramadhan 1403H yang bertepatan dengan tanggal 27 Juni 1983 setelah:

I MEMPERHATIKAN:

Disementara daerah Indonesia adanya aliran yang tidak mengakui Hadis Nabi Muhammad SAW sebagai sumber hukum syariat Islam seperti yang ditulis antara lain oleh Saudara Irham Sutarto (Karyawan PT. Unilever.-Indonesia.di Jakarta).

II.MENIMBANG:

1. Bahawa Hadis Nabi Muhammad SAW adalah salah satu sumber syariat Islam yang wajib dipegang oleh umat Islam, berdasarkan:

(1) Surah Al Hasyr ayat 7:

وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا
وَاتَّقُوا اللَّهَ إِنَّ اللَّهَ شَدِيدُ الْعِقَابِ

"Apa yang diberikan Rasul kepadamu maka terimalah dia. Dan apa yang dilarangnya bagimu maka tinggalkanlah; dan bertakwalah kepada Allah. Sesungguhnya Allah sangat keras hukuman-Nya".

(2) Surah An Nisa' ayat 80:

مَنْ يُطِيعِ الرَّسُولَ فَقَدْ أَطَاعَ اللَّهَ وَمَنْ تَوَلَّى
فَمَا أَرْسَلْنَاكَ عَلَيْهِمْ حَفِيظًا

"Barangsiapa yang menta'ati Rasul itu, sesungguhnya ia telah menta'ati Allah. Dan barangsiapa yang berpaling (dari ketaatan itu, maka Kami tidak mengutusmu untuk menjadi pemelihara bagi mereka."

(3) Surah Ali Imran, ayat 31:

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ
وَيَغْفِرْ لَكُمْ ذُنُوبَكُمْ وَاللَّهُ غَفُورٌ رَحِيمٌ

Katakanlah, "Jika kamu (benar-benar) mencintai Allah, ikutilah aku, niscaya Allah mengasihi dan mengampuni dosa-dosamu. Allah Maha Pengampun lagi Maha Penyayang."

Katakanlah: "Taatilah Allah dan Rasul-Nya; jika kamu berpaling, maka sesungguhnya Allah tidak menyukai orang-orang kafir."

(4) Surah An Nisa, ayat 59:

يَا أَيُّهَا الَّذِينَ ءَامَنُوا أَطِيعُوا اللَّهَ وَأَطِيعُوا الرَّسُولَ وَأُولَى
الْأَمْرِ مِنْكُمْ فَإِن تَنَزَعْتُمْ فِي شَيْءٍ فَرُدُّوهُ إِلَى اللَّهِ
وَالرَّسُولِ إِن كُنتُمْ تُؤْمِنُونَ بِاللَّهِ وَالْيَوْمِ الْآخِرِ
ذَٰلِكَ خَيْرٌ وَأَحْسَنُ تَأْوِيلًا •

"Hai orang-orang yang beriman, taatilah Allah dan taatilah Rasul(Nya), dan ulil amri di antara kamu. Kemudian jika kamu berlainan pendapat tentang sesuatu, maka kembalikanlah ia kepada Allah (Al.Qur'an) dan Rasul (Sunnahnya), jika kamu benar-benar beriman kepada Allah dah hari kemudian. Yang demikian itu lebih utama (bagimu) dan lebih baik akibatnya."

(5) Surah An Nisa, ayat 65:

فَلَا وَرَيْكَ لَا يُؤْمِنُونَ حَتَّى يُحَكِّمُوكَ
فِيمَا شَجَرَ بَيْنَهُمْ ثُمَّ لَا يَجِدُوا
فِي أَنْفُسِهِمْ حَرَجًا مِّمَّا قَضَيْتَ وَيُسَلِّمُوا
سَلِيمًا •

"Maka demi Tuhanmu, mereka (pada hakekatnya) tidak beriman hingga mereka menjadikan kamu hakim terhadap perkara yang mereka perselisihkan, kemudian mereka tidak merasa dalam hati mereka sesuatu keberatan terhadap putusan yang kamu berikan, dan mereka menerima dengan sepenuhnya."

(6) Surah An Nisa, ayat 105:

إِنَّا أَنْزَلْنَا إِلَيْكَ الْكِتَابَ بِالْحَقِّ لِتَحْكُمَ بَيْنَ النَّاسِ
بِمَا أَرَبَكَ اللَّهُ وَلَا تَكُنَ لِلْخَائِنِينَ خَصِيمًا ●

"Sesungguhnya Kami telah menurunkan Kitab kepadamu dengan membawa kebenaran supaya kamu mengadili antara manusia dengan apa yang telah Allah wahyukan kepadamu, dan janganlah kamu menjadi penentang (orang yang tidak bersalah), kerana (membela) orang-orang yang khianat".

(7) Surah An.Nisa, 150:

إِنَّ الَّذِينَ يَكْفُرُونَ بِاللَّهِ وَرُسُلِهِ وَيُرِيدُونَ
أَنْ يُفْرِقُوا بَيْنَ اللَّهِ وَرُسُلِهِ وَيَقُولُوا نُؤْمِنُ بِبَعْضِ
وَنَكْفُرُ بِبَعْضٍ وَيُرِيدُونَ أَنْ يَتَّخِذُوا بَيْنَ ذَلِكَ
سَبِيلًا ●

"Sesungguhnya orang-orang yang kafir kepada Allah dan Rasul-RasulNya, dan bermaksud memperbeda-kan antara Allah dan Rasul-RasulNya, dengan mengatakan 'Kami beriman kepada yang sebahagian (dari rasul-rasul itu). dan kamu kafir terhadap sebahagian (yang lain) serta bermaksud (dengan perkataan itu) mengambil jalan (lain) di antara yang demikian (iman atau kafir)'".

Ayat 151:

أُولَئِكَ هُمُ الْكَافِرُونَ حَقًّا وَأَعْتَدْنَا لِلْكَافِرِينَ
عَذَابًا مُّهِينًا •

"Merekalah orang-orang kafir sebenar-benarnya. Kami telah menyediakan untuk orang-orang yang kafir itu siksaan yang menghinakan."

(8) Surah An Nahl, ayat 44:

وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ
وَلَعَلَّهُمْ يَتَفَكَّرُونَ •

"Dan Kami turunkan kepadamu Al Qur'an, agar kamu menerangkan kepada umat manusia apa yang telah diturunkan kepada mereka dan supaya mereka memikirkan".

Hadis Rasulullah SAW antara lain, ertinya:

- (1) "Dikhawatirkan seseorang yang duduk menyampaikan satu hadis dariku lalu ia berkata antara kami dan antara kamu kitab Allah, maka tidaklah kami perdatap padanya dari barang halal yang kami halalkan dan tidak kami dapati padanya barang haram yang kami haramkan kecuali sesungguhnya apa yang diharamkan Rasulullah SAW seperti yang diharamkan Allah." (*Riwayat Al Hakim*).
- (2) "Ikutilah sunnahku dan sunnah Kulafur Rasyidin yang diberi petunjuk sesudahku dan pegang teguhlah padanya". (*Riwayat Al Hakim dalam Al Mustadrak*).
- (3) "Aku telah meninggalkan pada kamu dua-hal iaitu, Kitabullah dan Sunnahku. Tidak kamu akan sesat selama berpegang padanya". (*Riwayat Turmidzy*).
- (4) "Hendaklah menyampaikan yang menyaksikan dari kamu pada yang tidak hadir. Adakalanya orang yang ditablighi lebih kuat memelihara (menghafal) daripada yang mendengar". (*Riwayat Bukhari*).

III. MENGINGAT:

Pendapat-pendapat para anggota Komisi Fatwa Majelis Ulama Indonesia.

IV. MEMUTUSKAN:

1. Aliran yang tidak mempercayai hadis Nabi Muhammad SAW sebagai sumber hukum syariat Islam, adalah sesat menyesatkan dan berada diluar agama Islam.
2. Kepada mereka yang secara sadar atau tidak, telah mengikut aliran tersebut, agar segera bertaubat.
3. Menyerukan kepada Ummat Islam untuk tidak terpengaruh dengan aliran yang sesat itu.
4. Mengharapkan kepada para Ulama untuk memberikan bimbingan dan petunjuk bagi mereka yang ingin bertaubat.

5. Meminta dengan sangat kepada Pemerintah agar mengambil tindakan tegas berupa larangan terhadap aliran yang tidak mempercayai hadis Nabi Muhammad SAW sebagai sumber syariat Islam.

Jakarta, 16 Ramadhan 1403H 27 Juni 1983M

DEWAN PIMPINAN MAJELIS ULAMA INDONESIA
KOMISI FATWA:

tt. Ketua: PROF.KH.IBRAHIM HOSEN LML

tt. Sekretaris: H.MUSYTARI YUSUF L.A

P.U. (B) 51.

**AKTA PENTADBIRAN UNDANG-UNDANG
ISLAM (WILAYAH-WILAYAH PERSEKUTUAN) 1993**

FATWA DI BAWAH SEKSYEN 34

FATWA yang berikut dibuat oleh Mufti bagi Wilayah-Wilayah Persekutuan di bawah subseksyen 34(1) Akta Pentadbiran Undang-Undang Islam (Wilayah-Wilayah Persekutuan) 1993 adalah disiarkan menurut subseksyen itu:

2. Golongan Anti Hadith

A. Bahawa -

(i) buku yang bertajuk "Hadith Satu Penilaian Semula" dan "Hadith Jawapan Kepada Pengkritik" yang ditulis oleh Kassim Ahmad dan isi kandungannya;

(ii) buku yang bertajuk "Pendedahan Kebenaran Adalah Dari Tuhanmu-Hadith di dalam Al-Quran" yang ditulis oleh Idris Abdul Rahman dan isi kandungannya;

(iii) buku yang bertajuk "Bacaan" yang ditulis oleh Othman Ali dan isi kandungannya;

(iv) buku yang bertajuk "The Computer Speaks-God's Message To The World" yang ditulis oleh Dr. Rashad Khalifa dan isi kandungannya;

(v) Risalah "Iqra" terbitan Jemaah Al-Quran Malaysia dan isi kandungannya; dan

(vi) apa-apa terjemahan buku atau risalah yang disebut dalam butiran (i) hingga (v) dan isi kandungannya dalam mana-mana bahasa.

adalah mengandungi ajaran, pegangan dan fahaman yang bertentangan dengan aqidah dan syariat Islamiah serta mengelirukan masyarakat Islam dan

membawa kepada murtad, oleh itu adalah diharamkan.

B. Bahawa mana-mana orang atau kumpulan orang yang berpegang kepada ajaran, pegangan atau fahaman yang terkandung di dalam buku atau risalah, isi kandungannya dan terjemahannya, yang disebut dalam subperenggan (A) adalah sesat kerana ia bertentangan dengan aqidah, syariah dan akhlak Islam.

C Bahawa pengharaman ini meliputi -

(i) apa-apa variasi, versi, bentuk atau cabang mana-mana ajaran, pegangan atau fahaman yang terkandung di dalam buku atau risalah, isi kandungannya dan terjemahannya, yang disebut dalam subperenggan (A) dan termasuklah apa-apa pegangan, ideologi, falsafah, atau apa-apa kumpulan atau sistem amalan atau penunaian yang merangkumi kesemua tujuannya atau salah satu daripada tujuannya iaitu pencapaian pengajaran kebatinan iaitu suatu pegangan, ideologi, falsafah atau kumpulan atau sistem amalan atau penunaian yang tidak diakui dan bertentangan dengan syariat Islam dan pegangan oleh Ahli Sunnah Waljamaah;

(ii) apa-apa bahan publisiti termasuk mana-mana terbitan, ertinya apa-apa bahan termasuklah suatu gambar, gambarfoto, logo poster, rajah, surat edaran, gelansar filem, iklan di akhbar dan apa-apa bentuk iklan lain yang bertujuan memberi publisiti kepada terbitan tersebut yang berkaitan dengan ajaran, pegangan atau fahaman yang terkandung di

dalam buku atau risalah, isi kandungannya dan terjemahannya, yang disebut dalam subperenggan (A); dan

(iii) apa-apa terbitan, ertinya apa-apa buku, majalah, pamflet, risalah atau apa-apa bahan bacaan lain, sama ada dicetak, ditaip, ditulis tangan atau dikeluarkan dengan apa-apa cara lain dan apa-apa bentuk keluaran ulangannya, dan termasuklah apa-apa filem iaitu wayang gambar, pita rakaman atau rekod walau bagaimanapun ia dibuat, daripada suatu imej, berdasarkan penglihatan, yang merupakan rekod yang mampu digunakan sebagai suatu alat yang menayangkan rangkaian itu sebagai gambar bergerak; rakaman audio iaitu apa-apa bahan termasuk piring hitam, fotografi, pita rakaman, cakera laser dan cakera padat yang dirakamkan rakaman suara manusia untuk dibaca, dilihat atau didengar yang berkaitan dengan ajaran, pegangan atau fahaman yang terkandung di dalam buku atau risalah, isi kandungannya dan terjemahannya yang disebut dalam subperenggan (A).

Oleh itu orang Islam adalah dilarang mengamal ajaran, pegangan dan fahaman yang terkandung dalam buku atau risalah, isi kandungannya dan terjemahannya, yang disebut dalam subperenggan (A), menjadi ahli, mengetuai, memimpin, memberi ceramah, mengadakan kelas pendidikan dan pembelajaran dan aktiviti lain yang bertujuan menghidupkan dan mengembangkan ajaran, pegangan atau fahaman yang terkandung di dalam buku atau risalah, isi kandungannya dan terjemahannya, yang disebut dalam subperenggan (A).

Orang Islam adalah juga dilarang memiliki, menyimpan, mencetak, menjual termasuk mengedarkan filem, rakaman audio, pamphlet, buku, majalah atau apa-apa terbitan, risalah dan apa-apa dokumen; menggunakan apa-apa bentuk lambang, rajah atau tanda yang boleh mengaitkan kepada ajaran, pegangan atau fahaman di dalam buku atau risalah, isi kandungannya dan terjemahannya, yang disebut dalam subperenggan (A) kepada mana-mana harta alih atau tak alih, dan semua pihak dilarang daripada memberi apa jua kemudahan dan bantuan.

Bertarikh 15 Januari 1996,

[JAWI/A/145; PN.(PU₂)530.]

TAN SRI DATO' ABDUL KADIR BIN TALIB

Mufti,

Wilayah-Wilayah Persekutuan

KEPUTUSAN**JAKSA AGUNG REPUBLIK INDONESIA****NOMOR: KEP-169/J.A/9/1983****TENTANG**

LARANGAN TERHADAP AJARAN YANG DIKEMBANGKAN OLEH ABDUL RAHMAN DAN PENGIKUT PENGIKUTNYA (ALIRAN INKARUS-SUNNAH) DAN LARANGAN BEREDARNYA BUKU TULISAN TANGAN KARANGAN MOCH. IRHAM SUTARTO

JAKSA AGUNG REPUBLIK INDONESIA**Menimbang:**

- a. bahwa ajaran yang dikembangkan oleh ABDUL RAHMAN dan pengikut-pengikutnya yang oleh umum di kenal dengan sebutan aliran Inkarus-sunnah dan beredarnya tulisan-tulisan tangan karangan MOCH. IRCHAM SUTARTO dalam masyarakat, telah menimbulkan keresahan yang meluas di kalangan masyarakat Islam, dan dapat mengganggu keamanan dan ketertiban umum, merusak kerukunan intern ummat beragama khususnya serta menggoyahkan kesatuan dan persatuan bangsa pada umumnya.

- b. bahwa berdasarkan pertimbangan tersebut, dianggap perlu untuk mengeluarkan keputusan tentang larangan terhadap ajaran yang dikembangkan oleh ABDUL RAHMAN dan pengikut-pengikutnya dan larangan beredarnya buku tulisan tangan karangan MOCH IRHAM SUTARTO.

Mengingat:

1. Pasal 2 ayat 3 Undang-undang No. 15 Tahun 1961 tentang Ketentuan-ketentuan Pokok Kejaksaan R.I.
2. Pasal I Undang-undang No. 4/PNPS/1963 tentang Pengamanan terhadap Barang Cetakan yang isinya dapat mengganggu ketertiban umum.
3. Keputusan Presiden Republik Indonesia No. 32/M Tahun 1981 tentang Pengangkatan sebagai Jaksa Agung Republik Indonesia.

MEMUTUSKAN:

MENETAPKAN:

KEPUTUSAN JAKSA AGUNG REPUBLIK INDONESIA TENTANG LARANGAN TERHADAP AJARAN YANG DIKEMBANGKAN OLEH ABDUL RAHMAN DAN PENGIKUT-PENGIKUTNYA (ALIRAN INKARUS-SUNNAH) DAN LARANGAN BEREDARNYA BUKU TULISAN TANGAN KARANGAN MOCH. IRHAM SUTARTO.

Pertama:

Melarang ajaran dan segala kegiatan untuk mengembangkan, mengajarkan, dan menyiarkan ajaran ABDUL RAHMAN dan pengikut-pengikutnya yang oleh umum dikenal sebagai Aliran Inkarus-sunnah di seluruh wilayah Republik Indonesia.

Kedua:

Melarang peredaran buku/brosur/lembaran yang memuat ajaran tersebut pada' butir pertama karangan MOCH. IRHAM SUTARTO di seluruh wilayah Republik Indonesia dan mewajibkan kepada yang menyimpan, memiliki dan mengedarkan buku/brosur/lembaran tersebut, untuk menyerahkan kepada Kejaksaan Tinggi atau Kejaksaan Negeri setempat dan diteruskan ke Kejaksaan Agung Republik Indonesia.

Ketiga:

Keputusan ini mulai berlaku sejak tanggal ditetapkan.

Ditetapkan di: J a k a r t a.

Pada tanggal: 30 September 1983.

JAKSA AGUNG REPUBLIK INDONESIA

ttd.

ISMAIL SALEH, S.H.

KEPUTUSAN**JAKSA AGUNG REPUBLIK INDONESIA****NOMOR: KEP-085/J.A/9/1985.****TENTANG****LARANGAN PEREDARAN BARANG-BARANG
CETAKAN / BUKU-BUKU KARANGAN DAN ATAU
REKAMAN KASET-KASET SUARA / SUSUNAN
NAZWAR SYAMSU DAN DALIMI LUBIS.****JAKSA AGUNG REPUBLIK INDONESIA****Menimbang:**

- a. Bahawa beredarnya barang-barang cetakan/
buku-buku karangan dan atau rekaman kaset-
kaset suara/susunan Nazwar Syamsu dan
Dalimi Lubis yang masing-masing berjudul:
- 1) Terjemah (Tafsir) Al-Qur'an, jilid I & II.
 - 2) Tauhid & Logika, Al-Qur'an tentang
Manusia dan Masyarakat.
 - 3) Tauhid & Logika, Manusia dan Ekonomi.
 - 4) Tauhid & Logika, Al-Qur'an tentang
Al-Insan.
 - 5) Tauhid & Logika, Al-Qur'an tentang
Makkah dan Ibadah Haji.
 - 6) Tauhid & Logika, Al-Qur'an tentang Shalat,
Puasa dan Waktu.
 - 7) Tauhid & Logika, Al-Qur'an Dasar Tanya
Jawab Ilmiah.
 - 8) Tauhid & Logika, Pelengkap Al-Qur'an
Dasar Tanya Jawab Ilmiah.

- 9) Tauhid & Logika, Al-Qur'an dan Sejarah Manusia.
- 10) Tauhid & Logika, Perbandingan Agama (Al-Qur'an dan Bibel).
- 11) Kamus Al-Qur'an (Diktionari).
- 12) Koreksi Terjemahan Al-Qur'an Bacaan Mulia, HB. Yassin dan
- 13) Buku berjudul Alam Barzah (Alam Kubur) karangan Dalimi Lubis terbitan PT. Ghalia-Indonesia dan Pustaka Sa'adiyah 1916 Padang Panjang -

- yang isinya memuat ajaran yang menyimpang dari ajaran Islam yang sebenarnya dan mengembangkan ajaran yang oleh umum disebut dengan aliran Inkarrussunnah yang telah dilarang oleh Kejaksaan Agung R.I. dengan keputusan Jaksa Agung Nomor: KEP-169/JA/1983 tanggal 30 September 1983, dapat menimbulkan keresahan di kalangan masyarakat Islam, serta merusak kerukunan intern ummat beragama Islam khususnya dan dapat mengganggu keamanan atau ketertiban umum serta membahayakan kesatuan dan persatuan bangsa pada umumnya.

- b: bahawa berdasarkan pertimbangan tersebut dianggap perlu untuk mengeluarkan keputusan tentang larangan peredaran barang-barang cetekakan / buku-buku karangan dan atau rekaman kaset-kaset suara/susunan Nazwar Syamsu dan Dalimi Lubis.

MENGINGAT:

Inkarussunnah yang telah dilarang oleh Kejaksaan Agung R.I. dengan Keputusan Jaksa Agung Nomor: KEP-169/JA/1983 tanggal 30 September 1983, dapat menimbulkan keresahan dikalangan masyarakat Islam, serta merusak kerukunan intern ummat beragama Islam khususnya dan dapat mengganggu keamanan atau ketertiban umum serta membahayakan kesatuan dan persatuan bangsa pada umumnya.

- b. bahawa berdasarkan pertimbangan tersebut dianggap perlu untuk mengeluarkan keputusan tentang larangan peredaran barang-barang cetakan/buku-buku karangan dan atau rekaman kaset-kaset suara/susunan Nazwar Syamsu dan Dalimi Lubis.
1. Pasal 2 ayat 3 Undang-undang No. 15 Tahun 1961 tentang Ketentuan-ketentuan Pokok Kejaksaan Republik Indonesia.
 2. Pasal I Undang-undang No.4/PNPS/1963 tentang Pengamanan terhadap barang-barang cetakan yang isinya dapat mengganggu ketertiban umum.
 3. Undang-undang No. 2/PNPS/1965 tentang Pencegahan Penyalah Gunaan dan/atau Penodaan Agama.
 4. Keputusan Presiden Republik Indonesia No. 125/M Tahun 1984 tentang Pengangkatan sebagai Jaksa Agung Republik Indonesia.
 5. Keputusan Jaksa Agung Republik Indonesia No. Kep-169/JA/9/1983 tanggal 30 September 1983, tentang larangan terhadap ajaran yang dikembangkan oleh Abdur Rahman dan pengikut-

pengikutnya (Aliran Inkarus-sunnah) dan larangan beredarnya buku tulisan tangan karangan Muhammad Irham Sutarto.

6. Keputusan Jaksa Agung Republik Indonesia No. Kep-059/JA/3/1984 tanggal 13 Maret 1984 tentang Larangan Peredaran perekaman kaset suara hasil produksi PT. Ghalia Indonesia Recording yang memuat ajaran Inkarus-sunnah.

Memperhatikan:

Pendapat Menteri Agama R.I. dalam suratnya tanggal 6 Agustus 1984 Nomor: P.III/TL.02.2/788/84.

M E M U T U S K A N

Menetapkan:

KEPUTUSAN JAKSA AGUNG REPUBLIK INDONESIA TENTANG LARANGAN PEREDARAN BARANG-BARANG CETAKAN BUKU-BUKU KARANGAN DAN ATAU REKAMAN KASET KASET SUARA/SUSUNAN NAZWAR SYAMSU DAN DALIMI LUBIS.

Pertama:

Melarang peredaran barang-barang cetakan buku-buku dan atau rekaman kaset-kaset suara yang berjudul:

- 1) Terjemah (Tafsir) Al-Qur'an, jilid I & II.
- 2) Tauhid & Logika, Al-Qur'an tentang Manusia dan Masyarakat.
- 3) Tauhid & Logika, Manusia dan Ekonomi.
- 4) Tauhid & Logika, Al-Qur'an tentang Al-Insan.

- 5) Tauhid & Logika, Al-Qur'an tentang Makkah dan Ibadah Haji.
- 6) Tauhid & Logika, Al-Qur'an tentang Shalat, Puasa dan Waktu.
- 7) Tauhid & Logika, Al-Qur'an Dasar Tanya Jawab Ilmiah.
- 8) Tauhid & Logika, Pelengkap Al-Qur'an Dasar Tanya Jawab Ilmiah.
- 9) Tauhid & Logika, Al-Qur'an dan Sejarah Manusia.
- 10) Tauhid & Logika, Perbandingan Agama (Al-Qur'an dan Bibel).
- 11) Kamus Al-Qur'an (Diktionari).
- 12) Koreksi Terjemahan Al-Qur'an Bacaan Mulia HB. Yassin karangan Nazwar Syamsu dan
- 13) Buku yang berjudul Alam Barzah (Alam Kubur) karangan Dalimi Lubis terbitan PT. Ghalia Indonesia dan Pustaka Sa'adiyah 1916 Padang Panjang, di seluruh wilayah hukum Republik Indonesia.
- 14) Audio Cassett/Rakaman kaset-kaset suara susunan Nazwar Syamsu dan Dalimi Lubis.

Kedua:

Mewajibkan kepada yang menyimpan, memiliki, mengumumkan, menyampaikan, menyebarkan, mengendarkan, memperdagangkan dan mencetak kembali barang-barang cetakan/buku-buku dan atau kaset-kaset suara tersebut pada diktum Pertama, untuk menyerahkan kepada Kejaksaan Negeri/Kejaksaan Tinggi setempat.

Ketiga:

Mewajibkan kepada Kejaksaan, Kepolisian atau alat negara lain yang mempunyai wewenang memelihara ketertiban umum, untuk melakukan penyitaan barang-barang cetakan/buku dan atau kaset/kaset tersebut diktum Pertama.

Keempat:

Pelanggaran atas ketentuan dalam, diktum Pertama dan Kedua Keputusan ini, diancam dengan hukuman tersebut Pasal 1 Undang-undang No: 1/PNPS/1965.

Kelima:

Memerintahkan pencantuman Keputusan ini dengan penempatan dalam Berita Negara Republik Indonesia.

Keenam:

Keputusan ini mulai berlaku sejak tanggal ditetapkan.

Ditetapkan di: Jakarta.

Pada tanggal: 7 September 1985.

JAKSA AGUNG REPUBLIK INDONESIA

ttd. HARI SUHARTO, SH.



BIODATA PENYUSUN

Nama : Haji Isa bin Ismail

Dilahirkan pada 3 Mei 1946 di Kuala Nerang, Kedah. Mendapat pendidikan asas di Sekolah Melayu Kuala Nerang, kemudian mem- pelajari Agama di Madrasah Al- Khairiah, batu 23 3/4 Jalan Pedu, Kuala Nerang.

- Tahun 1963 - Menyambung pelajaran menengah Arab Raudzoh Al-Ulum al-Diniyah Langgar, Alor Setar.
- Tahun 1968 - Menyambung pelajaran di Universiti Al-Wasliyah, Medan, Sumatera, Indonesia, Fakulti Syariah, Jurusan Qadha dan Siyasah Syariyyah.
- Tahun 1971 - Mengikuti Daurah Muhadiseen di Darul Ulum Deoband, Utter Pradesh, India.
- Tahun 1972 - Menyambung Pelajaran ke Universiti Kolej Imam Al-Adzam (Abu Hanifah Baghdad) dengan memperolehi Bakalorios dalam bidang syariah dan Bahasa Arab, dan mendapat diploma Undang- undang dan Pentadbiran Kehakiman Syariah dari Universiti Islam Antarabangsa.

PENGALAMAN

- Pernah menjadi guru agama Majlis Agama Islam Negeri Kedah.
- Pengalaman berdakwah bermula dari tahun 60an bersama organisasi HIMMAH di bawah bimbingan Allahyarham Prof. Haji Muhammad Arsyad Thalib Lubis, seorang ulamak dan ahli politik yang terkenal di Nusantara.
- Membentang kertas kerja dikursus serta ceramah jemputan di RTM dan di bidang menulis di majalah dan suratkhobar.

Tahun 1978	-	Semasa Bahagian Hal Ehwal Islam hendak membuka cawangannya di Sabah dan Sarawak, beliau telah dipilih buat pertama kalinya apabila BAHEIS menghantar pegawai ke sana.
Tahun 1983	-	Menjadi Timbalan Pengetua Maahad Tahfiz Qur'an Wal Qiraat, Jabatan Perdana Menteri.
Tahun 1985	-	Dilantik sebagai Ketua Penolong Pengarah Bahagian Istimbat (Penggubalan Undang-undang/ Fatwa), Jabatan Agama Islam Wilayah Persekutuan. Kemudian bertanggungjawab masalah Qariah dan Kebajikan di Jabatan Ber- kenaan.

Tahun 1992 - Di lantik sebagai pegawai bagi mengatur Kursus Pendakwah Negara. Dan sekarang bertugas sebagai Ketua Penolong Pengarah Pusat Penyelidikan Islam, Pusat Islam Malaysia, Jabatan Perdana Menteri

Dalam bidang sosial beliau telah memegang beberapa jawatan penting di antaranya Pengerusi Masjid, Pengerusi PIBG, Timbalan Yang Dipertua Persatuan Pegawai Kakitangan Ugama Jabatan Perdana Menteri dan lain-lain.

BIODATA PENYUSUN



Encik Yusof Hj Wanjor adalah seorang aktivitis Muslim yang semenjak muda lagi telah banyak berkecimpung dan memegang jawatan-jawatan penting dalam Persatuan-persatuan Islam dan badan-badan Sosial setempat. Antaranya selaku, Anggota J/Kuasa merangkap Setiausaha Seksi Pemuda Persekutuan Seruan Islam Se-Malaya

(*JAMIYAH*), Pengasas, Persatuan Taman Pengajian Islam Singapura (*PERTAP AIS*), S/usaha, Masjid Abdul Aleem Siddique, Anggota J/kuasa, Masjid Khadijah merangkap Ketua Seksi Inabah, Pengarah, Rumah Tumpangan Pemulihan Penagih Dadah-Bawean Putra, Anggota J/kuasa, Muslim Joint Anti-Drug Action Committee (*MUJADAC*), S/usaha Agung, Persekutuan Sepak Takraw Singapura (*PERSES*), S/usaha, NTUC Sports & Games Council, Anggota J/kuasa, Madrasah Hj Salam dan Madrasah Ma'dul Irsyad, Bendahari, Dewan Perniagaan Melayu Singapura (*DPMS*) dan lain-lain.

Sementara itu, beliau juga minat dalam penulisan dan pernah menerbitkan risalah dakwah Islamiah atas nama *Muslim Messenger / Utusan Islam* yang diedarkan selama 7 tahun secara percuma kepada yang berminat. Beliau telah juga sempat menyusun sebuah makalah berjudul *Intisari Perkahwinan*. Beliau pernah menduduki suatu jawatankuasa bagi membanteras ajaran sesat dibawah naungan MUIS. Berlatarbelakangkan itu beliau telah menyiapkan sebuah skrip berbahasa Inggeris berjudul *Ahmadiyyah / Qadianiyyah An Exposition* yang beliau harap ini dapat diterbitkan atas nama badan Islam.

Beliau telah sempat ke beberapa negara di Eropah dan Timur Tengah.

Kini beliau adalah salah seorang Pengarah Thinker's Library Sdn. Bhd.